



Diaranson  
3 di Oktober 2007  
**www.awemainta.com**  
Margrietstraat #3, Oranjestad, Aruba  
Tel: 583-1400  
Fax: 583-1444  
Email: [noticia@awemainta.com](mailto:noticia@awemainta.com)  
Prijs: Afl. 1,50

*Team di De Palm Holding  
Ricky y Lisette Malmberg y Angelique  
Fleming*



**Den un aña of aña y mei Aruba lo  
por conta cu un Dolphin Academy**  
• **Pagina 04**

## CHAMILA A SLAAG!



**DIAHUEBS** ultimo Chamila Tromp a ricibi su bul “Master of Law” den Notarieel Recht na Vrije Universiteit Amsterdam (VU). E titulo di su scriptie tabata: “Terrorismebestrijding via het Internationaal Privaatrecht”. N’e ocasion bunita aki tabata presente su mayornan Judith y Baron, ruman Brian, demas famia y amistadnan na Hulanda. Chamila tin tur intencion di bolbe Aruba dentro di poco pa cuminsa cu su carera profesional. Chamila, recibi nos pabien y tur clase di éxito den bo carera profesional.



For di 1983, Elmar no conoce aumeneto di tarifa. Ta studiando condicionnan di e “aansluitingsvoorwaarden”, pa cu energia alternativa

• **Pagina 02**

## 102 aña, no ta wega



**DEN** e siman di celebracion di Nos Grandinan, ayera tabatin un fiesta grandi na Huize Maristella, pasobra nan habitante, sra. Maria Rosario de Zuniga a cumpli e bunita edad di 102 aña. Ta cos di celebra. Un biaha mas masha pabien y hopi aña mas di bida.

Manpowerplanning ta un herment pa Departamento di Trabou

• **Pagina 03**

**Despues di a rechaza diferente mocion di AVP, awe MEP a lanta for di “winterslaap”**  
• **Pagina 05**



## Mama Tis, mama di Tico Croes den estado di gravedad E tin kemaduranan na 90% di su curpa

**AYERA** for di oranan trempa Aruba henter a haya sa di un accidente hopi lamentable cu a afecta un dama hopi conoci y stima den nos comunidad, Mama Tis.

Ta asina cu manera custumber Mama Tis a lanta den oranan trempa di mainta y a bai cende stoof, y pa motibonan ainda desconoci pa nos redaccion, e stoof lo a explota cu e consecuencia cu Mama Tis a sufrir kemaduranan di gravedad. Mam Tis ta mama di ex Minister y ex lider di partido AVP, Tico

Croes, pero tambe mama di otro personanan prominente den nos comunidad.

Na momento cu e accidente lamentable aki a tuma lugar, e famianan a dicidi di no yama ambulans mes, y a transporte rapidamente pa hospital caminda cu el a keda interna cu urgencia.

Den oranan di mainta mes, mirando e gravedad di su kemaduranan, cu segun por a compronde ta encera 90% di su curpa, a tuma e decision di duna Mama Tis Santo Oleo.

Den oranan di atardi doketer-

nan a tuma e decision di mande den coma y tine den Cuido Intensivo.

Ayera nochi e yiu mayor di Mama Tis, Tico Croes, kende actualmente ta docente na Central Florida University a yega Aruba pa ta hunto cu su mama y rumannan den e momentonan dificil aki.

Te cu ayera nochi e situacion di Mama Tis tabata igual. AWE-Mainta ta desea famia Croes hopi forza den e momentonan dificil aki y sigur un pronto recuperacion pa Mama Tis.

## Gerencia di N.V. Elmar ta splica cu No tin ganashi riba ‘brandstofclausule’



**ULTIMAMENTE** hopi t’e comentarionan tocante cuantanan di coriente. Esaki t’e caso tur aña durante e lunanan di calor (augustus, september y october), unda mester tene cuenta cu 3 factor cu ta aumenta e cuenta durante e lunanan en cuestion, segun un comunicado recibí for di gerencia di N.V. Elmar.

Na prome lugar e consumo ta aumenta bastante pa motibo cu “airco” ta consumi hopi mas energia den lunanan calor. Banda di e aumento aki, nos tin cu tene cuenta cu e brandstofclausule tambe por aumenta.

Di acuerdo cu nos “Aansluitvoorwaarden” e consumidor mester tin un deposito igual n’e cuenta. Sistema di N.V. Elmar

ta calcula e deposito aki a base di un averahe di e 3 ultimo lunanan. Door di ambos aumento ariba menciona, e deposito tambe ta wordo ahusta (aumenta), cu ta resulta den un cuenta mas halto cu e lunanan anterior.

Gerencia di N.V. Elmar riba su propio iniciativa, a tuma e decision pa haci temporalmente un cambio den e calculacion di e deposito pa solamente e grupo di consumidor domestico. Esaki lo ta na vigor solamente pa recibonan di september y october 2007.

Esaki ta trece cune cu un eventual aumento den e cuenta lo ta solamente pa motibo di e aumento di consumo (airco) y/of aumento di brandstofclausule. Nos mester recorda cu e con-

sumo actual di nos consumidornan domestico ta un averahe di 735 kWh, pa luna y compara cu p.e. nos hermana isla Corsow, e consumo na Aruba ta mas cu dobel, segun N.V. Elmar.

Nos consumo averahe t’e resultado di e siguiente reparticion di nos consumidornan domestico y e consumo di cada grupo.

Di nos total di alrededor di 33,000 consumidor domestico e consumo mensual por wordo reparti, entre:

18% bao 250 kWh (cuenta menos di Afl.100 sin uso di arco); 45% entre 250 pa 750 kWh (cuenta entre Afl. 100 y Afl. 300 pa 1 of 2 arco cu uso limita/normal); 28% entre 750 pa 1500 kWh (cuenta entre Afl. 300 y Afl. 600 pa 2 arco of mas

For di 1983, Elmar no conoce aumeneto di tarifa  
Ta studiando condicionnan di e  
“aansluitingsvoorwaarden”, pa  
cu energia alternativa

**GANASHI** di N.V. Elmar ta wordo utiliza pa haci inversionnan necesario segun e demanda creciente p’e añanan benidero. Un planning a ser desaroya pa haci inversionnan nobo, como tambe pa mantencion den e red di transmision y distribucion.

Esaki ta necesario p’asina continua garantisar un suministro di electricidad confiabel y cu tarifanan aceptabel na tur nos consumidornan.

N.V. Elmar no mester lubida cu, Aruba ta un isla unda su economia principalmente ta basá riba turismo, y e suministro di electricidad p’e sector aki no por wordo treci den peliger pa ningun motibo. Esaki lo no afecta solamente N.V. Elmar su entrada, pero tambe mayoria di e poblacion. Loke por sobra di e ganashi anual, lo wordo pasa p’e accionistanan, como diviendo.

Di acuerdo cu Freddy Rafini, no por keda sin menciona cu N.V. Elmar su tarifanan no a conoce aumento desde 1983

y cu e ta un di e tarifanan mas abao den nos region y hasta compara cu otro paisnan mas grandi, unda tin planta di generacion di por ehempel, energia nuclear, como tambe unidad di energia alternativo manera solar, y/of molina di biento.

E unidad di energia alternativo aki ta ensera un inversion bastante halto y por bira atractivo pa un consumidor solamente si tin subsidio, manera na cierto pais ta wordo otorga di parti di Gobierno. Actualmente den nos organizacion, nos ta repasando e condicionnan den nos actual “Aansluitvoorwaarden”, pa introduci algun cambio necesario.

Un di e posibilidad ta introduci cierto condicion pa por conecta unidad di energia alternativa riba nos red di distribucion, segun Rafini.

N.V. Elmar su propio staf tecnico/financiero actualmente hunto cu un compania experto riba e tereno específico aki ta den e proceso pa compila un conseho, pa despues tuma e decision final.

cu uso riba averahe) y 9% riba 1500 kWh (cuenta di mas cu Afl. 600,00 pa luna).

Un consumidor cu p.e. un cuenta di mas cu Afl. 1500,00 pa luna, tin un consumo di mas cu 3750 kWh pa luna cu ta ilustra un uso bastante excesivo di arco como tambe di otro aparatonan electrico.

Den e ehempel aki, e consumidor en cuestion tin un consumo di 5 biaha mas e consumo averahe. Manera den pasado semper remarca, nos mester keda consciente di nos uso di electricidad, y cada consumidor por ahusta su propio consumo.

Segun gerencia di N.V. Elmar,

n’e momento aki e cuenta ta consisti di e tarifa di Elmar, cu actualmente ta un averahe di 15,5 ct/kWh y di e brandstofclausule, cu entrante 1 october 2007 ta 23,13 ct/kWh, formando un total di casi 39 ct/kWh.

Riba e brandstofclausule cu N.V. Elmar ta cobra su consumidornan, no tin ningun sorto di “GANASHI” pa Elmar.

N.V. Elmar su entrada ta bin for di e benta di kWh segun e tarifa di Elmar (15,5 ct/kWh) for di cual ainda mester desconta loke mester paga WEB Aruba N.V. segun nan tarifa pa cada kWh genera, banda di nan tarifa di e brandstofclausule.



# Manpowerplanning ta un herment pa departamento di Labor

## Asina por intermedia na tempo y corectamente riba demanda di trahador riba mercado laboral

**DIRECTOR** di departamento di Labor y Investigacion, sr. Giel ta comenta e importancia di e manpowerplanning. E ta bisa cu pa medio di e "Manpowerplanning" departamento di Labor y Investigacion por intermedia na un manera corecto y na tempo riba demanda di trahador cu tin riba e mercado laboral. Asina aki departamento di Labor y Investigacion por duna su clientenan, dunador di trabao y tambe buscador di trabao, e servicio cu nan ta desea y ta merece.

Pa por logra esaki un "Manpowerplanning" completo y corecto yena ta suma importancia pa por stipula un bon maneho di di demanda y oferta. Un bon maneho entre e demanda y oferta di trahador ta beneficoso pa henter e comunidad. E ta un prioridad pa aloca buscadornan di trabao local cu preferencia. Un Manpowerplanning completo y corecto yena entrega na Departamento di Labor y Investigacion ta tanto un instrumento pa determina e necesidad cu tin riba e mer-

cado a corto plazo, como tambe e ta contene datonan cu informacion valioso pa dunador di trabao (demanda), e buscador di trabao (oferta) y tambe naturalmente pa stipula maneho di labor y di educacion responsabel y cu anticipacion.

Pesey Departamento di Labor y Investigacion ta acerca empresanan anualmente pa e informacion di planificacion di personal, Manpowerplanning. E doño di trabao ta ricibi e formulario di Manpowerplanning via post. Si pa un of otro motibo e no haya esaki, e por pasa libramente na Departamento di Labor y Investigacion pa busca esaki na bali (na di dos piso) of por download esaki for di e website di Gobierno cual ta [www.gobierno.aw](http://www.gobierno.aw) of [www.overheid.aw](http://www.overheid.aw). Si empresanan tin mester di informacion general por yama libremente na Departamento di Labor y Investigacion, tel 5837720/ fax. 5837422. Departamento di Labor ta situa den Horizonte Building, L.G. Smith Blvd. 134 (den mesun edificio cu DA-drogist).

Documentonan necesario pa

entrega di Manpowerplanning 2008 (formularionan necesario ta obtenibel na e bali di Departamento di Labor y Investigacion: Formulario cu tur exigencia / Checklist Manpowerplanning 2008; Formulario di Manpowerplanning (aantal personeelsleden, formulario A); Descripcion di funcionnan (formulario B); Extracto di Camara di Comercio (no mas bieu cu 3 luna); Copia di e Ministeriele Beschikking of Vestigingsvergunning Econ.

Zaken (esaki ta conta pa N.V. of otro tipo di negoshi cu no ta un eenmanszaak); Copia di e director- / bestuurdersvergunning y permiso di trabao pa fungi como director (esaki ta aplicabel si e director / bestuurders no ta naci na Aruba of si e tin e nacionalidad hulandes y a establece su mes na Aruba despues di promer di januari 1986); Copia ID-director; Si ta laga un representante entrega esaki: un carta di apoderacion pa entrega esaki na nomber di e director; Copia di ID di representante.

Exigencianan adicional pa



Hotel-/Construccion-/Limpieza-/Hardineria: Formulario cu descripcion di contratonan y proyectonan (formulario C); Copia di contratonan (cu firma y identificacion di dunador di e proyecto).

Sr. Giel ta pidi encarecidamente na tur dunador di trabao pa cumpli cu e manpowerplanning na ora pa asina Departamento di Labor por ofrece e servicio cu cada un di nos merece.



**CHICKEN TENDER SANDWICH MENU\***

**BACK ON POPULAR DEMAND**

**SUPER KING DEALS NOW ONLY AFL 5.00**

**THE FIRE'S READY**

\*Choice of 6 different King Deal Meals all include a small fries & a small soft. BBO included - Available in all Burger King's



**CHEESE BURGER MENU\***



# Editorial



Toko Winklaar

**MASHA** comentario nos ta hayando for di comunidad, en particular di comerciantenan, cu a dicidi di sostene ATIA den su intencion pa entama un caso hudicial contra di Pais Aruba, relaciona cu e hecho cu awor SIAD ta nenga di acepta check. Pakico, pasobra awor SIAD ta haya cu tin demasiado check ta bounce. Pero pa lei, y nos ta kere cu tur esnan

## Di acuerdo cu lei, check ta un medio legal pa haci pago, anto dicon SIAD ta nenga esaki

cu ta dirigi SIAD, mas e Hulandesnan sa masha bon cu un di e medionan legal pa haci pago, ta por medio di check. Esaki so ta suficiente motibo cu SIAD no por keda sin acepta check.

Pakico SIAD no ta haci manera tur otro comerciante, y tuma medida contra e comerciante of esnan cu ta paga cu check, cu no tin fondo. Pone nan riba e blacklist, y no bai na castiga henter un comunidad.

Es mas, SIAD no por kere cu mester expone e comerciantenan, pasobra hopi no sa mes con traha cu computer, internet, ect, pa wordo atraca. Gobierno mester ta mas serio, si de facto nan kier combati criminalidad.

ATIA y demas asociacionann mester uni den un solo bloke pa rechaza e MEDIDA aki di SIAD, unda e.o. ta cumpli cu pago por medio di e forma legal, esta cu check, y laga SIAD nenga esaki y bai Huez e ora ei.

SIAD aki ta dunando mal ehempel, pasobra de pronto nos lo haya cu tur lugar lo bai na nenga check y kier uso di ATM card so.

T'asina cu na Aruba pagamento cu check ta un forma legal di pago cu ta wordo usa den un forma hopi regular pa comercio en general. Anto for di unda SIAD a sali cu e briyante idea pa bin PROBIHI cu nan no ta acepta check mas?

Maske cu ta bisa cu husto ta paga p'e pecador, esei no ta duna SIAD e autoridad pa castiga tur esnan cu si ta cumpli cabalmente.

Ademas lei ta duna SIAD tur autorisacion pa castiga esnan cu ta irresponsable y ta paga cu check sin fondo. Laga Ministerio Publico impone boet riba esnan cu ta falta cu lei.

Pa comercio en general e no ta practico pa haci pagonan den cash, ya cu esaki obviamente ta trece cune hopi

problema di seguridad y ta bai na habri caminda pa mas atraco anto den dia cla.

SIAD por cuminsa cu e incentivo aki, pero lagu'e habri pa cada uno cumpli cu su obligacionnan financiero pa cu Gobierno, pero no IMPONE e medida aki, pasobra otro no por yame. Poco compania ta usando e forma di pago via di internet y e lo ta bon si e medio di pago aki ta wordo stimula en general. Ainda tin algun problema practico cu esaki, por ehemplo e hecho cu bo no ta hana un recibo inmediatamente na momento cu bo ta haci e pago via di internet, mientras cu ora bo paga cu un check (cu of sin fondo) si bo ta haya un recibo inmediatamente.

Palabra ta na SIAD, si nan ta reconsidera, of kier forza un desobediencia civil. E cosnan aki ta pasa, pasobra no tin ningun clase di discusion na un plataforma nacional mas. No tin dialogo di ningun clase.

## Si tur cos bai bon aki un año of año y mei Aruba lo por conta cu un Dolphin Academy

### Bienestar di e dolfijnnan ta para riba interes economico

**GEORGE** Kieffer, director di Dolphin Academy na Curaçao durante conferencia di prensa di De Palm Tours a duna di conoce cu nan ta hopi honra di a haya e atencion di e famia di De Palm Tours cu a investiga otro facilidannan di dolfijn den Caribe y cu ta spera di por logra algo special y diferente. Banda di esaki el a bisa cu nan ta honra cu De Palm Tours a reconoce cu loke nan ta haciendo en berdad ta unico y a pasa asina na splica nan filosofia di traha cu dolfijnnan y con hopi nan ta disfruta di dje. Kieffer ta bisa cu loke nan ta purba di ofrece ta un ambiente sigur y agradable pa e dolfijnnan, pero tambe uno caminda e hendenan por sinti cu berdaderamente nan ta conociendo e bestianan aki. Intencion no ta pa yena e lugar cu hende, sino gruponan chikito y esaki ta loke ta haci'e special y ta duna e dolfijnnan e oportunidad pa interactua cu e hendenan mes hopi cu e hendenan

kier cu e dolfijnnan.

Contario na loke ta tuma lugar na algun parti di Caribe caminda tin un dolfijn ta interactua cu 60 persona, Dolphin Academy ta limita e cantidad di hende pa dolfijn na 6.

Banda di esaki, Kieffer a duna di conoce cu tur nan programa tin un componente educativo den nan. Tin programanan pa mucha y adulto caminda cu esnan interesa ta traha hunto cu e staff durante 5 dia, ta haya les, teoria di dolfijnnan y tambe ta traha cu e dolfijnnan mescos cu e trainernan. Un otro integrante di Dolphin Academy, Libbingston, a comenta riba e ideanan erroneo cu tin riba e dolfijnnan 'den cautiverio'. El a bisa cu ta hopi ta e hendenan cu ta pidi pa laga e dolfijnnan bai den lama libremente, pero esaki no por wordo haci, pasobra ta trata di dolfijnnan getraind, caminda cu nan a siña cu hendenan ta bon, e dolfijnnan ta confia e hendenan y e



botonan completamente, y den lama habri e caso no ta asina. Pa loke ta e hendenan cu ta bisa cu e dolfijnnan den cautiverio ta perde nan habilidad pa come riba nan mes, pa interactua cu otro dolfijnnan, esey tambe el a refuta, pasobra nan ta siña como door di ehempel di otro dolfijnnan y nan mama tambe, y esaki nan no ta perde, nan no ta perde e tecnica aki.

Lisette Malberg tambe a duna di conoce cu na e momentonan aki ta finalizando e MOU entre De Palm Tours y Dolphin Academy y un di e puntonan den e memorando ta cu esnan di e

instituto tin derecho di veto absoluto. Esaki ta encera cu si algun dia ta existi un conflicto entre e bienestar di e dolfijnnan y e interes economico, nan veto ta bin. Den otro palabra, e bestianan aki ta bin promer.

Banda di esaki el a menciona cu Consejo di Minister ta muestra di ta na favor di e proyecto aki y awor ta den e fase cu lo mester finaliza e negociacionnan cu Dolphin Academy. Ora esaki ta cla, lo aplica pa e permisonan necesario. Si tur cos bai bon, dentro di 1 año pa un año y mei e proyecto aki lo por bin cla.



# Un año despues di a rechaza e diferente mocionnan di fraccion di AVP

## Fraccion di MEP ta lanta for di winterslaap y presenta esakinan na Gobierno

**FRACCION** di MEP a yama un conferencia di prensa ayera mainta den Parlamento caminda cu Marlon Werleman a elabora riba e desaroyonan di WEB, Elmar y Utilities y e rol cu Gobierno mester bai hunga den e cambionan cu a keda anuncia.

El a cuminsa na bisa cu e companianan aki pa hopi aña a keda secuestra for di influencia di pueblo y cu su fraccion a indica Gobierno cu nan no por keda man cruza pa loke ta trata e desaroyonan den e ultimo añanan pa loke ta trata e prijsnan cu a bin ta afectando comunidad

mas y mas.

E pregunta cu ta surgi ora scucha e palabranan aki ta unda Marlon Werleman tabata den ultimo añanan? Si e tabata na haltura di loke en berdad ta come y bebe den pueblo, no ta awor, 6 aña despues cu nan a drenta Gobierno el lo mester

a bin papia di prijsnan di awa y coriente, sino hopi aña pasa. Fraccion di AVP a presenta for di aña pasa caba diferente mocion pa bin cu investigacionnan pa trese cambionan den e produccion di awa y coriente pa asina baha e gastonan, mirando e desaroyo mundial pa cu prijs-

nan di petroleo, pero fraccion di MEP, incluyendo Marlon Werleman a vota contra.

Partido MEP mester stop di hunga politica cu e situacion tristo aki, awor cu falta poco pa eleccionnan tuma lugar na Aruba, diripiente nan a lanta for di nan winterslaap y ta bisa cu mester haci algo pa cu e prijs di awa y coriente. “A otro perro con ese hueso”, esey simplemente por wordo cataloga como politica barata, algo cu ya ni nan mes por kere aden.

Mescos Werleman a menciona e ‘iniciativa’ di Gobierno pa bin cu un fondo social, algo cu for di aña pasa fraccion di AVP a presenta, y su fraccion a vota contra. Atrobe, dicon awor? Campaña ta na caminda, por ta e contesta adecuado pa e pregunta aki.

Awor di ripiente tambe e ta haci un apelacion na esnan cu supuestamente ta hincando temor den e trahadornan di e empresanan di WEB y Elmar relaciona cu e estructuracion, pa por fabor no haci esaki y pa nan pensa hunto cu MEP con por traha den un forma responsabel pa garantiza cu e prijs di utilidadnan pa e famianan arubiano y comercio no sali for di man.

Siguiendo cu e mocionnan cu fraccion di AVP a presenta aña pasa relaciona cu e warborgsomnan (depositonan) di e companianan aki, cual fraccion di MEP a vota contra, awor Werleman ta haci un apelacion na Gobierno pa nan studia esaki bon, specialmente na Elmar, pa wak si esaki ta cuadra cu normanan di negoshi di awendia. Un otro ehempel di esaki ta e idea pa no penaliza e persona cu kier inverti den energia alternativo pa uso personal.

Mester bisa cu definivamente un aña despues cu fraccion di MEP a vota contra tur e mocionnan di fraccion di AVP, e mesun fraccion aki, a dicidi cu nan ta tuma practicamente cada un di nan over y haci como si fuera cu ta nan mes ta presentadonan.



## Super interes...riba bo Super Savings!

RBTT Bank su Super Savings Account ta un cuenta di spar incomparable. Probecha di un super interes te cu 4.75% riba bo fondonan. Mas halto e suma, mas halto e interes. Comproba pa bo mes.

Habri bo RBTT Super Savings Account\*\* awe mes y probecha bo tambe di e super interes y ademas ricibi 2,500 Fun Miles.

Pa mas informacion bishita un di nos oficinanan of yama nos RBTT Service Line na 588.01.01.

\* Pa sumanan riba AWG 500,000 RBTT Bank ta ofrece Time Deposit atractivo.

\*\* Deposito minimo di AWG 15,000 pa habri e cuenta.

Suma den AWG	Interes anual
15,000 – 50,000	4.00%
50,000 – 500,000*	4.75%



ITALIËSTRAAT 36, ORANJESTAD • L.G. SMITH BOULEVARD 66, ORANJESTAD • CAYA G.F. (BETICO) CROES 89, ORANJESTAD  
PALM BEACH 5-A, NOORD • B V/D VEEN ZEPPENFELDSTRAAT 52, SAN NICOLAS  
SERVICE LINE: 588-0101 • OFFICES: 523-3100 • FAX: 582-1756 • E-MAIL: INFO@TT.RBTT.COM • WWW.RBTT.COM



# De Palm Tours relaciona cu proyecto di dolfijn na Aruba

## E dolfijnnan mester a nace den cautiverio y mester tin bon cuido pa nan

**LISSETTE** Malmberg di De Palm Tours a comenta durante conferencia di prensa cu e compania aki ta considerando un alianza strategico cu Dolphin Academy di Curaçao. Gerencia di De Palm Tours a participa cu nan ta den e fase inicial di e proyecto di dolfijn, y te na e momentonan aki e compania aki a keda impresionada pa e calidad di operacion cu e instituto Dolphin Academy tin na Curaçao.

Mas alue Malmberg a bisa cu De Palm Tours a priminti di hiba e maneho transparente

pa cu realizacion di e proyecto en cuestion. Puntonan di consideracion pa e compania den relacion cu e realizacion di e proyecto aki ta lo siguiente: E dolfijnnan mester ta animalnan cu a nace den cuido di hende, pues no recien captura di lama; e cuido y bienestar di e dolfijnnan mester ta di e mihor calidad y un di e prioridadnan den e proyecto; e proyecto mester trese un balor adicional pa cu e producto turistico Aruba, fuera di un balor educacional pa e muchanan di scol; e proyecto aki mester

ta factibel.

Usando e criteria y puntonan di consideracion menciona De Palm Tours a presenta George Kieffer, director di Dolphin Academy na Curaçao pa asina prensa y pueblo mes por huzga y compronde pakico De Palm Tours ta considerando e proyecto aki pa nos isla. Di e forma aki, segun Lissette Malmberg, e compania ta mantene nan palabracion di ta transparente y alavez ta proactivo pa informa comunidad cu informacionnan corecto y berdadero.



## Homber bou di influencia ta menasa su pareha cu cuchiu

**ASISTENCIA** ta wordo pidi diadomingo anochi algo despues di 10 or, na un cas na Cunucu Abou, na unda segun informacion cu a drenta un homber lo ta menasa un muher cu cuchiu.

N'e cas polis ta haya e muher S.L. naci na Aruba di 24 aña, kende tabata yora y ta bisa polis cu e ta bibando den un angustia. E ta bisa cu e tin problema cu e homber E.W. naci na Aruba di 23 aña, cu kende e ta biba pa 10 aña, segun e raport di polis, aunke mirando e edadnan ta parce un tiki ilogico.

E ta bisa polis cu e tin un yiu cu e homber E.W. kende ta adicto na alcohol. Segun e señora su declaracion, e

problema ta andando pa basta tempo. Tur ora e homber E.W. ta bin cas burachi y ta menase cu morto. Tambe e ta sigui declara cu e homber ta bin burachi tur dia, y ta gasta tur su salario na alcohol.

E homber tin'e preso y bou di menasa y no por bai ningun caminda. E ta bisa cu diabierna el a dicidi di sali y bai concierto, sin cu e homber sa.

E problema a surgi, ora cu diadomingo e homber a haya sa y a bin cas, haciendo un drama n'e cas. El a bati riba porta y grita cu e ta bai mate. E dia ei, e homber a sali for di mainta y a bin cas te anochi laat, hopi burachi. Dor di su desorden cu e tabata haci, un bisiña,

un mucha homber Hulandes, a sali bai mira kico ta pasando.

Mirando e actuacion di E.W. y el a kere cu ta cu hende drechi e tin di atende, el a bai papia cu E. W.

Pa su sorpresa, E.W. a menase cu un cuchiu y tambe a dal'e un mokete na su garganta, cu e raspe, supuestamente E.W., tabatin e cuchiu den su mokete sera, pero lo a dal'e cu e banda di e cabo.

E pover mucha homber Hulandes a core drenta su apartamento. E.W. a sigui grita y menasa e muher. El a bisa cu e ta bai mate, mata su yiu y tambe su tata. El a hasta menasa di kima cas di e tata.

Ora cu el a logra habri e porta, el a drenta den a apartamento y a coi 500 florin y a bai cune, den un Jeep Mitsubishi shinishi. Un rato despues e tata di e mucha muher a yega cas.

El a keda sorprendi di tende con inefeliz su yiu ta. El a bisa cu e no tabata sa cu su yiu muher ta sufri asina tanto. El a dicidi di bai duna keho hunto cu e yiu. E yiu a bisa e tata unda e homber balente lo ta, nan a bai buske, pero no a topa cune.

Mainta e tata cu e yiu lo bai duna keho di maltrato, ladronisia di 500 florin, y menasa cu arma. Ta hustifica si e Hulandes tambe bai duna keho di maltrato cu arma.



**B  
J  
A  
S**  
**OCTOBER SPECIALS**  
Call Center: 528-4250

Pa oferta especial di October nos tin 20% di descuento ariba compra cash di Afls. 100,00 pariba riba "Proteco" Gate Openers, "Raynor" Garage Doors & Openers, Wood & Alum. Steps & Extension Ladders, "Perma Bond" Bonding Agent, "Snow-Roof" Sealer, "ES-2000" Primer & Silicon Modified Roof Coating, "Bista Bonita" Alum. Windows & Doors, "Alko" Alum. Doors, "Formica" & "Abet" Decorative Laminates, Copper Tubing & Fittings, Vinyl Floor Tiles, Steel Track Runners, Louvre Window Frames. 15% OFF pa compra cash di Afls. 100,00 pariba ariba Planters, "Fencemaster" Sunblock Tops, Horse Care Supplies & Accessories, Electrical Supplies, Gift Certificates. **BRENCHIE'S** "Na unda abo semper ta #1"



## Famia Planea Aruba cu reconocimiento na JCI Aruba



Your health, your future,  
our care!



Usa esakinan;  
sinti'bo cool!



**viger**

TRADING ARUBA

**RECIENTEMENTE** Famia Plania Aruba duna un bunita reconocimiento na JCI Aruba pa nan tremendo trabao na comunidad y especialmente na hoben nan. JCI Aruba a demostra liderasgo door di tuma e iniciativa pa support Famia Plania Aruba. Na anja 2006 JCI Aruba a organisa e anual Black Tie Dinner na honor di Famia Plania y a percura pa un bunita suma na e organisacion cu juda nan cumpli cu e diferente actividad nan programa pa Famia Plania.

Despues cu e cifra nan referente embaraso hubenil, HIV y otro malesa transmisi den 2006 a keda publica, JCI Aruba un biaha mas a acerca Famia Plania pa ofrese nan ayudo. Conhuntamente cu e Carnaval ask Force forma pa Woman's Club, Famia Plania, FADA, Funmiles y otro organisacionnan, JCI Aruba a sa di juda duna informacion na hoben nan durante e diferente parada nan di carnaval y na eleccion di reina.

Famia Plania ta sumamente satisfecho cu hoben profesional, manera di JCI Aruba, ta hasi nan mes disponibel na un forma boluntario pa juda un organisacion manera Famia Plania cu mester di mas judansa di comunidad pa por garantisa un mihor futuro na nos hoben nan.

**AWE**Mainta****  
e corant di Toko

**Tel: 583-1400 Fax: 583-1444**



## Concierto di Blichta Hoopman y Anatoli Kotchébine na Cas di Cultura



**DIAHUEBS**, 11 di october benidero dos musico masha talentoso: Blichta Hoopman di Hulanda y Anatoli Kotchébine, naci na Russia, lo duna un concierto na Cas di Cultura . E concierto aki ta worde presenta pa Circulo Arubano Pro

Arte y ta cuminsa pa 8.30'or di anochi.

Na un edad di 12 aña caba Blichta Hoopman a ser acepta na e curso preparatorio pa e 'Koninklijk Conservatorium' na unda el a haña les di e

pedagogo di fió famoso Qui van Woerdekom. Un aña despues el a presenta cu e Viotta Orquesta di Hubentud y e Orquesta di Camara Atheneum bao di guia di Alexandru Lascae y na unda Blichta tawata e concertmeester. Na 2002

Blichta a gana e promer premio durante e final di e Prinses Christina Concurso na Rotterdam. Desde October 2006 e ta primas tambe di e ensemble di gitano 'Sintiromanus' cu cual el a haci un gira na Sur di Francia.

Anatoli, naci na Rusia, a haña les di piano desde su di cinco aña na e Scol di Musica di ciudad di Moscu, cu a ricibi nomber di e compositor Sergej Prokofiev. Desde Augustus 1998 Anatoli ta biba na Den Haag y ta studia na e 'Koninklijk Conservatorium' cerca Naum Grubert. El a presenta como solista cu e Residentie Orkest y e Rotterdams Philharmonisch Orkest. Na November 2002 el a presenta na e Weill Recital Hall di Carnegie Hall na New York. Anatoli e gana

hopi premio na concurso pa musico hoben, na 2000 el a ricibi e promer premio na e final nacional, y na 2002 el a gana e premio pa e mihor acompañaante. Alabes Anatoli ta e pianista fiho di e Ensemble di Gitano Sintiromarus.

Na Aruba nan ta bai presenta un programa masha agradable y bunita yama : *un Gira Musical* cu obranan di compositornan di diferente pais manera obranan di Fritz Kreisler, L. van Beethoven, Johannes Brahms, di Pablo de Sarasate : Malagueña, Robert Schumann y di Bela Bartok : Dansas di Rumania. Entrada general ta fl. 35,-, pa miembro fl. 30,- y kaarchi pa hubentud ta fl.15,-. Carchi ta obtenibel promer cu e concierto na Cas di Cultura.

Mei mei di un cantidad di cliente y invitadonan

## W.T.S. Tax & Legal Services a celebra nan prome aniversario

**HUNTO** cu invitados y clientenan di e compania W-Tax & Legal Services (WTS) a celebra e hecho cu e compania ya a cumpli nan prome aniversario riba e mercado di Aruba.

Recientemente WTS a muda pa nan edificio nobo den Caya Punta Brabo 13, unda antes tabata Aruba

Eye Institute di Dr Wolter. Durante un anochi bon concuri, e invitadonan por a disfruta di e atmosfera di aire liber cu musica di Delbert Bernabela, mientras cu riba un pantaya grandi por a sigui henter e desaroyo di mudamento y di crecimiento di WTS di serca via un presentacion audiovisual. Senora mr.

Cari Wolter a tene un discurso den cual ela gradici tur presente y en especial su cliente nan y amigos nan y famia cu a dune y su team di WTS sosten den nan prome anja di existencia y a expresa su deseo di por sigui conta cu nan sosten pa hopi aña mas.

Tambe e la agradece su

team dinamico y profesional pa cu nan dedicacion y entusiasmo.

Drs. Frank Snijders hunto cu e demas miembro nan di e team di WTS tabatin e honor di corta e sinta pa asina hunto cu nan cliente nan y invitadonan, drenta paden y sera conoci cu e oficina nobo.





# Departamento di Labor a cuminsa cu nan man power planning

## Ta pidi tur doño di trabao pa cumpli cu esaki

**DEPARTAMENTO** di Labor y Investigacion durante conferencia di prensa a anuncia cu e aña aki lo tuma lugar atrobe e man power planning di e companianan priva y fundacionnan. A wordo bisa cu un di e tareanan di Gobierno ta pa stimula y balanza e mercado laboral local. Esaki ta wordo haci pa medio di informacionnan cu ta haya for di e man power planning anualmente cu e companianan ta entrega na Departamento di Labor. A base di e man power planning ta haya e cifranan pa e aña siguiente kico ta bai ta e movencionnan y cambianan cu ta bai tin riba mercado laboral. For di e informacionnan aki e departamento ta stipula nan maneho pa e siguiente aña. E man power planning a cuminsa for di dialuna pasa, 1 di october. E ta bai tuma lugar den e siguiente forma: A cambia e maneho pa cu e tumamento di e man power planning en comparacion cu aña pasa. Esaki pasobra a ripara cu tin diferente informacionnan cu ta wordo duna riba e man power planning cu no ta cuadra cu otro infor-

macionnan cu ta ricibi for di e compania. Door di esey a cambia e forma. E aña aki ta entrega e man power planning na e bali, e ta wordo controla si e ta bon yena y completo. E persona cu ta tuma e man power planning ta duna e doño di trabao (of e persona cu e doño di trabao a machtig pa entrega esaki) un prueba cu el a entrega esey. E ta bai ta na manera di un papelito cu e fecha cu a wordo entrega, nomber di e compania y e ora ey e ta wordo tuma den behandelings. Despues di e etapa aki, ta pasa esaki pa un siguiente grupo cu ta bai controla e informacion cu a wordo yena den e man power planning. Esaki pasobra e ta facilita e trabao ora di bai hinke den e sistema. E segundo grupo cu ta controla esaki ta tuma 10 dia di trabao pa controle. Despues di esaki, si e wordo aproba, e persona por pasa busca su man power planning. Si tin algun informacion cu no ta cuadra den e man power planning of tin informacion cu a wordo yena fout of informacionnan cu no ta cuadra,



Departamento di Labor lo yama e doño di trabao y ta duna 5 dia pa e pasa y drecha e informacion cu no ta cuadra. Despues di esey e tin 10 dia pa e por ricibi su man power planning aproba.

E man power planning ta parti den 4 diferente sector. Sector di hotel, sector algemeen, sector di limpieza y hardineria y e sector di construccion. Cada un di nan tin diferente exigencianan cu nan. Esey kieren cu ora departamento

di Labor ricibi esakinan lo partinan segun e sector. Director di departamento di Labor a pidi tur doño di trabao y fundacionnan pa yena nan man power planning pa 2008 pa asina tin e informacion aki. Doñonan di trabao tin un periodo di 2 luna pa esaki desde 1 di october pa 30 di november 2007. Esnan cu no sa con pa yena e man power planning, nan por pasa cualkier momento durante ora di trabao y na departamento di labor lo yudanan pa yene.

Igualmente Omar Giel, director di departamento di Labor a comenta cu tin un palabracion cu ATIA cu lo duna un seccion di informacion na nan. Si tin otro organizacionnan cu lo kier pa departamento di Labor dunanan un anochi informativo esaki por wordo haci tambe. Si doñonan di trabao no entrega nan man power planning, e companianan aki no por entrega nan papelnan di permiso na DIMAS, nan no lo wordo acepta.

## Testigo ta bisa cu el a reconoce Wilson como esun cu a corta Tutu, pero Tutu mes no ta reconoce

**YA** caba den pasado Corte a para tratamento di e caso penal pa scucha un testigo, ora cu e victima a bisa cu e acusado para ei dilanti e no ta reconoce como e persona cu a hinke, diabien ultimo e caso contra Michael Wilson, acusado di a hinca un mucha homber den lastlap di un parade, a bolbe wordo presenta den Corte. Corte a cita un di dos testigo, esta e hoben J.R. Sainville. E ta bisa cu e no conoce Wilson, pero ta insisti tog esei ta e mucha homber cu a hinca Tutu. El a declara cu nan tabata baila den e lastlap di parada di mucha, ora cu Wilson a pushe. Su amiga a trata di convence pa no reacciona, pero asina mes el a bai reclama Wilson pa loke el a haci y a cuminsa bringa cune. Segun e testigo ta conta, ora cu nan a cuminsa bringa Tutu a wanta Wilson pa papia cune, pero e ultimo a saca un cuchiu cu e tabata zwaai cune den direccion di Tutu y a hinke den su bariga. E testigo ta sigui bisa cu mientras cu Tutu a cai na suela, el a core tras di Wilson cu a hui y el a logra kita e cuchiu for di dje. Loke pa Corte ta straño cu e testigo ta bisa cu ta Wilson a ataca e victima, siendo cu e victima a declara cu ta un grupo di persona a bini riba dje. Pero pa Ministerio Publico e informe ta suficiente pasobra ta di dos testigo cu ta bisa e mesun cos. Awor e tratamento di e caso aki lo sigui dia 12 di october awor.



Ayera a cumpli aña e princes di cas, Yemira Arends. E ta haya felicitacion di su mami Ilka Lacle, papi Eddy Arends, rumanan Yitzhar, Yahmir y Edmee. Mama Nilka, Papa Frank, Papa Antonio, Tia Elizabeth, demas wela y welonan. Yaya Ilaina, Tio Memo, Tia Carolina, Tia Zuleyma, tanta y omonan. Primonan, especialmente di su primo Andres Paul. Tambe di Humphrey, Bibi, Ernesto y Solange y su amiganan di La Salle College. Yemira sigui ta mes bon mucha y bon estudiante.



# Xpresa bo mes

noticia@awemainta.com

Tur comunicado o remetido cu ser manda pa AWE**Mainta** mester inclui number, fam y number di telefon di e remitente. AWE**Mainta** ta keda cu e derecho reduci of edita esakinan pa publicacion.

## Reacion riba remedido Centro di Barrio Tanki Lendert cu problema cu docente Cubano

**PERMITIMI** introducimi mi mes na boso lectornan. Mi number ta Juan Carlos Allende mi ta di origen Cubano nacionalisa Hulandes, y mi ta residencia na Aruba pa mas di 11 ana caba. Mi ta un musico professional cu mas di 20 ana di experiencia, como docente di musica y te caminda cu mi sa e unico den su especialidad na Aruba, cargando e titulo den percusion como professor y interprete, evalua den mihor conservatorio di Cuba.

Mi kier a reaciona riba e contenido di e articulo cu a sali dia 26 di September 2007, mi mester cuminsa na desmenti e version i e relato di e administrado di centro di barrio di Tanki Leendert esta e meneer Luis Salazar. Su declaracion ta ficticio y incorrecto. Exactamente 15 luna pasa mi a wordo acerca pa un di e miembronan di e directiva di e centro di barrio di Tanki Leendert, esta e meneer Oslin Ismail, pa duna les di percusion [drums timbalnan, conga, y lectura musical]. y no persecucion manera e meneer Salazar ta gusta bisa, eynan so e ta muestra su falta di conocimiento general pa no huske como ignorante.

Enfin mi wordo jama pa forma parti di un proyecto existente cu ta encera e scol di musica den e Centro di barrio Tanki Leendert. Pa varios luna nan atras nos a wordo notifica door

di e directiva cu nan no por sigui paga e docentenan pa falta di fondo, [supuestamente] den mi intento pa no bandona e proyecto aki caminda obviamente e alumnonan ta esunan ku ta wordo perjudica, Mi a tuma e iniciativa y mi a pidi e local mas chiquito cu ta forma parti di e Centro pa mi por sigui duna les.

Mi tin cu aclarea cu ta diasabra so, es decir cuatro dia pa luna, mi tabata haci uso di e local pa duna les. E cantidad di alumno tabata limita na 10 persona so door cu nos ta papiando di lesnan priva. cual 7 di nan ta paga e suma chiquito di 12.50 florin pa les y e resto 3 alumnonan cu ta adulto tabata paga 25 florin. locual ta genera un ingreso di e suma di 650 florin pa luna.

For di e suma aki mi mester a paga e Centro di barrio 250 florin pa cubri e gasto nan di corriente. Esey ta pa paga supuestamente corriente so awor saca bo mesun conclusion bo ta kere cu un local cu ta e tamano di un camber na un cas normal di famia ta consumi 250 florin usando un aircó 4 dia den un luna pa 8 ora so?

Esaki ta mustrabo ku nos no ta papiando di un "big deal" pa mi mes, pero si e ta un prestashon di un servicio comunitario, cu si mi no ta equivocal e motibo principal di cualquier funda-

cion di barrio ta pa enriquece e cultura y no mester ta como fin como un instancia pa haci negoshi?

**!IMPORTANTE!** Mi paga e huur directamente na e persona esta e meneer Oslin Ismael, sin falta cu exepshon di ultimo temporada di vakantie escolar caminda e gran mayoria di e alumnonan no a hana les, y logicamente mi no a cobranan y tampoco mi no a usa e local fulltime kieren cu si tabata tin algun malentendido, simplemente e no ta mi problema y eynan bo ta wak ku tin un falta di comunicacion di e personanan cu ta forma parti di e directiva di e centro di barrio. Ta pesey mi kier splica awor kon e kos nan a bai cumeneer Salazar.

Den un forma masha grocero mes e meneer a bisami pa mi dune a jabi di e local, y dilanti di mi alumnonan e la bisa cu mi no a paga e famoso huur di 5 luna. Ora cu e la tuma e actitud ey, mi a rabia masha hopi mes y como ser un humano ami tambe tin mi limite, y ta pesey mi tin un mensaje pa meneer Salazar: hende ta mescos un spiel nan ta refleja manera abo ta si abo no tin manera di papia cu hende no spera otro cos. Enfin reflexionando riba e situacion, e conclusion cu mi ta saca ta cu pa e directiva [y esaki ta un tristo realidad,] door cu mi tabata e unico docente di musica activo,

mi tabata stroba e plan di huur e local "supuestamente" cu un entidad di gobierno, pa e suma di 60 florin pa ora! Manera cu mi a compronde den culminamento di e siman. Na unda e scol a keda awor? E no ta existi mas, y esey ta e resultado di un manejo financiero ineficiente, door di e administracion y su directiva cu por cierto nunca a bin presencia un les pa mira por lo menos kiko ta wordo haci den e centro di barrio, y esey ta un indicacion fuerte di loke mi a menciona anteriormente esta e maneho. Y na otro banda ta notable cu nan a aparta nan mes di e statuto di un fundacion no "lucrativo" caminda cu e interes principal mester ta aporta cu un servicio comunitario pa e desarrollo di e cultura den e caso aki musical di Aruba.

Obviamente esaki a keda na di 2 lugar, pasobra na prome lugar a keda e interes economico. Ta pa e motibo ey mi kier haci un jamado na e instancianan gubernamental cu mester wordo fiscalisa y asesora e fundacion. Aki un jamado na e Minister pa tuma caso di e asunto aki

y considera e peticionan cu a wordo haci di parti di docentenan di instituto di cultura pa drecha y recupera e spirito di un fundacion cu mester promovi e cultura manera su number mes ta indica.

Nos mester controla e tipo di actividad na aki, pasobra finalmente ta e pueblo ta paga. Y na meneer Salazar, mi kier dijs bisese un cos mas, nunca ta laat pabo hisa bo nivel intelectual cu ta laga hopi di desea vooral como administrador y e bartender di e centro, ta pesey bo ta wordo trata di e manera cu e bo ta wordo trata door di mesun directiva di e centro di barrio aki.

Na tur e mayornan di mi alumnonan, please tuma contacto cumi y pronto mi lo tin un solucion pa e lesnan por sigui.

Na mi alumnonan mi no ta bandona boso, mi number tel. 5931474.

Y un biaha mas ami ta Juan Carlos Allende, deseando Aruba Salud, Prosperidad y Sabiduria.

**Bo tin un Mavo, Havo of E.P.I.- unit Economie opleiding?**

**Bo tin un Opleiding Bank en Verzekeringswezen?**

**Bo tin experiencia riba tereno di aseguro.**

**Bo tin know how di Windows XP?**

**Bo por comunica den Papiamento, Ingles, Hulandes y Spaño, verbal y por escrito?**

**Bo to gusta atende cliente?**

**Nos ta buscando un:  
Binnendienst Medewerker(ster)  
E puesto aki to pabo?**

Bel nos pa un afspraak na 564-2911  
Favor trece bo curriculum vitae plus copia di bo diploma






# “Luna di october, luna di... Misterio!”

UN aire misterioso ta circula rond di e “Festival di Buki di Mucha” e aña aki. Un festival cu desde 1992 ta ensera un evento anual di un siman den e luna di october of november, pa enfatisa riba e promocion di e Buki di Mucha na Aruba. Y mes-cos cu na Hulanda, unda nan ta celebra e Kinderboekenweek, e idea tras di e ya conocido festival aki ta pa trece e mucha y e buki mas serca di otro pa asina stimula e placer di lesamento.

Mientras cu na Hulanda ya nan ta explorando e tema di “Sub-Rosa: boeken vol geheimen” e luna aki, na Aruba e organisa-dornan di e Festival di Buki di Mucha - Biblioteca Nacional di Aruba y Fundacion Papiamente - ta den pleno secrecia ta pre-para un evento cu ta bai ta mas grandi ainda e biaha aki.

Mescos cu tur aña, e scolnan

basico lo ricibi un pakete di material pa les disponibel, cu ta wordo aplica pa e scolnan por haci uso di esaki como preparacion pa e festival. Un preparacion cu ta wordo com-plementa cu entre otro e bishita di autornan local, autornan for di Hulanda y Antiyas na tur e scolnan basico y special na Aru-ba. Tambe e diferente actividad-nan cu ta tuma lugar tur rond di nos isla, manera e atardinan di presentacion na Biblioteca, e actividadnan na e librerianan y na e diferente organisacionnan cu ta trata mucha, ta forma parti di e gran evento di lesamento aki cu ta cuminsa cu e apertura oficial na Biblioteca Nacional na Oranjestad.

Den 2007 e “Festival di Buki di Mucha” ta celebrando su di 15 aniversario y aunke e tema di e aña aki ta algo misterioso, por revela cu e festival aki ta bai

ta un celebracion Seso-sional! Prepara e sesonan pasobra ta bukinan di misterio, bukinan yen di secreto, bukinan pa re-solve, revela, explora: Ssshht! Misterio ta den buki... ta bai ta e tema di e aña aki.

Y pa duna un pista mas, durante e Siman di Buki aki, un biaha mas e librerianan participante ta bai regala cu cada compra di un buki di mucha na un suma stipula, e “Regalo di Festival di Buki di Mucha”. Kico e regalo ta bai ta no ta un secreto mas, pero di ken y di kico... esei lo keda un misterio te dia di e apertura oficial, e celebracion di e di 15 “Festival di Buki di Mucha” cu lo tuma lugar e prome diabierna di november – no lubida e pista aki, skirbi’e den bo agenda. Keda pendiente pa mas pista durante e luna di october aki, e luna di misterio. Ssshht!

## Nochi di debate na SIMAR Dia Internacional di Maestro



EN coneccion cu Dia Interna-cional di Maestro Sindicato di Maestro SIMAR ta organisa diabierna 5 di october na sede di Simar un anochi di debate pa tur educador. E topico principal ta “E maestro di calidad”. Ora-dor invita ta drs Pancho Geer-man, mientras cu sra. Shirley Angela- Eisdien lo fungi como moderador.

E debate ta di 19.30 pa 22.00 ‘or, sigui pa un wine & cheese. E meta principal di e anochi ta pa reflecciona riba nos profes-ion y su importancia pa desa-rojo di nos pais. Mayoria biaha

nos ta laga otronan defini ken e maestro di scol ta; nos ta laga otronan pa dicidi kico nos por o laga, pesei participacion na un anochi asina ta importante . E interes ta grandi y e anochi ta priminti di bira hopi inte-resante. Diferente panelista lo trece nan argumento y lo trata di kibra e ponencia di e otro partido. Publico tambe por tuma parti na e debate. Directiva di Simar ta invita tur educador, en especial su miembronan y pensionadonan, ya cu hunto nos ta forma un bon debate.

# ATCO SUPERMIX

## Week- end Special Aruba...Sigura bo bashá!

Proximo bashá ta Diasabra 6 di October cliente mester pasa serca nos prome cu Diabierna 5 di October 2007

**Bin probecha di nos Oferta special di SUPERMIX. Lugar pa cita ta limita.**

Pasa na un di nos oficinanan na Sabana Blanco, Shaba of San Nicolaas y segura bo bashá.

Probecha na mes un momento di compra ATCO SUPERBLOCK.



Dakota- Sabana Blanco #2  
fax: 582-5971

Shaba #78  
fax: 587-4893

Theaterstraat #20  
fax: 582-8122

**T 582 4684**

## MANCHITO'S SALE

For di 26 Sept te 6 Okt

Riba tur mercancia  
Set di Bachi  
Dash, Carson  
Faha, Sapato  
Mea y tur otro  
loke bo mester  
pa luci elegante!

Habri di dialuna pa diasabra  
9:00 am - 6:00 pm

Situa na Caya Milo Croes  
Tel: 5822303



# Seminario riba ideologia y práctica política

**DIASABRA** dia 29 di september ultimo a tuma lugar na Corsow e interesante seminario “Ideologia y Práctica Política”. N’e seminario aki a participa dirigenten di partidonan socialista-democratico di Corsow, Aruba, Bonaire y Republica Dominicana. E seminario a keda organisa

pa partido MAN y Partido Laboral den cuadro di e ciclo di formacion pa cuadronan di nan respectivo partido. Despues di apertura haci pa ing. Charles Cooper, lider di partido MAN a hiba palabra Pim Senior secretario di partido MAN, sra. Silvia Garcia Polanco, alto dirigente di PRD di

Republica Dominicana, Dirk Dumfries secretario general di MEP di Aruba, Errol Cova, lider di PLKP y sra. Rietje Choeni di DP Bonaire.

A sigi un discusion intensivo y critico entre e panel y participantenan di e diferente partido, pa despues den me-

sanar di trabou profundisa riba e tema ideologia y practica politica.

Conclusion di e seminario aki ta cu traduccion moderno, corecto y bibo di principionan social-democrata riba tur area di nos comunidad, basá riba igualdad, dignidad humano, husticia social, libertad y de-

mocracia lo garantiza desarrollo prosperidad y bienestar pa nos pueblonan.

Partidonan a cumbini pa sigi traha den e direccion aki den na practica politica. E siguiente seminarionan lo trata aspectonan di accion politica, maneho publico y bon gobernacion.



## Banco di Seguro Social ta informa

**Cu diabierna 5 oktober 2007 nos departamento di notifica a.o. (meld ziek) lo sera for di 2 or di atardi y por notifica a.o. (meld ziek) via nos telefoon dia 6 oktober 2007 na nos horario normal. Entrante 8 oktober 2007 nos departamento di notifica a.o. (meld ziek) lo ta situa na van Leeuwenhoekstraat 16 antes BGD.**

Number pa notifica a.o. (meld ziek) ta:

**527-2782**

**527-2SVb**

E number aki riba menciona ta disponibel solamente pa notifica ao (meld ziek).

Pa tur otro informacion of departamento di SVb e number ta keda mescos:

**527-2700.**

Nos ta pidi tur nos aseguradoonan nos disculpa pe e inconveniencia aki.

**Ir. Edwin M. Jacobs**  
Director

**SVb Seguridad pa Aruba su Comunidad**

## Siman di Salud y Seguridad na W.E.B. Aruba N.V.

Atencion riba seguridad den trafico.



**ENTRANTE** dialuna 1 di oktober y te cu dia 5 di oktober di 7:30 am te cu 12’or di merdia, W.E.B. Aruba N.V. ta tene su “Siman di Salud y Seguridad” cual ta un actividad di tur aña pa e bienestar di e trahado. E lema pa e siman aki ta: “*Ban Poco Poco, no Core Loco Loco*”.

No tin un dia cu nos no ta lesa den prensa scirbi, radio, television y (Internet) cu tin accidente den trafico, e ta birando un epidemia aki na Aruba.

Pa traha na prevencion y pa cuida nos empleado, W.E.B. Aruba N.V. a disidi pa pone atencion special na trafico den su siman di salud y seguridad. Tambe mester constata cu tin regla y borchinan nobo di trafico y ta bon momento pa pone atencion na refresca nos empleadonan riba e reglanan y borchinan nobo.

Sr. Alvin y Allan Howell lo ta e dos instructornan encarga cu e tarea aki. Nan lo duna atencion na:

**Accidente den trafico; Regla y borchinan nobo; Mesa di trafico (Manquete); Safety tips;**

**Preguntanan**

Ademas di esaki durante diabierna merdia manera ta e customber, lo tin Wit Gele Kruis den Cantina di W.E.B. Aruba N.V. pa haci control di salud pa tur empleado di W.E.B. Aruba N.V. Di e manera aki nos ta sigui traha na e bienestar di e empleado di nos empresa. Nos ta invita prensa pa pasa durante siman pa raporta riba nos “Siman di Salud y Seguridad.”



# Internacional

## Blackwater ta retira personal pa droga, alcohol, y mal uso di arma



E empresa di servicio di seguridad Blackwater USA a retira 122 empleado den e ultimo tres añanan pa problemanan cu ta varia di mal uso di arma, alcoholismo y consumo di droga, te na problemanan di conducta y comportamiento violento, di acuerdo cu un informe difundi dialuna pa un cimision di Congreso mericano.

E cantidad ey ta representa un septima parti di e forza laboral di Blackwater na Irak, y ta genera duda riba e calidad di trabao di e empleadonan di e compania. E informe, prepara pa personal di e Comision di Reforma Gubernamental y Supervision di Camara di Representante, tambe a indica cu Blackwater tabata involucra den 195 incidente cu arma desde 2005, kier men 1,4 pa siman.

Den mas di 80% di e incidente nan, guardianan di seguridad di Blackwater a los e prome tironan, aunque e contract cu e empresa tin cu departamento di Defensa ta indica cu mester usa forza unicamente pa defensa.

“Den e gran mayoria di caso den cual Blackwater a dispara, nan a haci esaki desde un vehiculo den movecion y nan no ta keda na e sitio pa determina si e tironan a causa victima”, di acuerdo cu e informe.

E rapport ta describi Blackwa-



ter como un empresa cu a haya sumanan grandi placa, a pesar di su trabao cuestionabel na Irak, caminda su guardianan ta ofrece proteccion na personal diplomatico mericano. Blackwater a gana contratonan di gobierno federal pa mas di 1.000 milyon dolar desde 2001, mientras nan trabao pa gobierno apenas a yega na menos di un milyon dolar. Den total, e departamento di Estado a paga Blackwater mas di 832 milyon dolar entre 2004 y 2006 pa trabaonan di seguridad, segun e rapport. Blackwater, funda na 1997 y cu sede na North Carolina, ta e mas grandi di tres contratistanan cu ta duna servicio na departamento di Estado.

E otro dosnan ta Dyncorp y Triple Canopy.

Segun e informe di 15 pagina, Blackwater tabata tin mas incidente caminda disparo nan ta involvi cu e otro dos empresanan hunto.

E vocero di Blackwater, Anne Tyrrell, no a duna comentario riba e rapport.

Dia 16 di september ultimo, 11 iraqi a muri den un tiroteo den cual a participa guardianan di Blackwater cu tabata proteha un convoy di Merca na Bagdad. Blackwater ta insisti cu su personal a actua den defensa propio, despues cu e convoy a worde ataca. Pero testigonan iraqi a bisa cu e guardianan a dispara sin worde provoca.

## Chávez ta sigura cu Venezuela tin deuda cu Cuba



Hugo Chavez

E president venezolano a laga sa cu su pais debe “Cuba mucho mas” pa ayudo medico di loque Cuba lo por debe Venezuela pa e petroleo cu nan ta manda pa e isla.

Hugo Chávez a sigura cu e 30.000 docter y enfermeranan cubano cu ta traha na Venezuela desde poco mas di 5 año a salba mas bida cu den henter e historia di salud publico venezolano, un hecho cu “no tin prijs... mucho mas di lo que nos ta aporta cu nos modesto cargamentonan di petroleo”.

“Na esnan cu ta acusami di ta regala petroleo na Cuba, ay!, loco!, ohala un hende por cuminsa saca e som, bolivar pa bolivar, cen pa cen, Kico ta bal mas, den prijs obhetivo, e barinan di petroleo cu nos ta manda Cuba, of esaki?”, e mandatario a puntra su mes. Casi 9 milyon hende cu ta ricibi rehabilitacion permanente y aproximadamente 60 milyon tratamiento medico aplica den henter e pais na forma gratuito, ta algun di e estadisticanan riba cual Chavez ta sostene pa contra-ataca e criticanan riba su constante “favor petrolero” na Cuba.

Opositornan di Chavez ta keha riba accionnan manera asfaltamento di cayanen na Bolivia, of yuda ciudadanonan londines, mientras cu Venezuela ainda ta sufri di carencia den areanan manera salud, inseguridad social y infraestructura pa vivien danan di riesgo halto den e ciudadnan grandi.

Riba esaki e mandatario a dedica casi tur e siete oranan di su programa diadomingo ultimo, pa muestra e avancen di e convenio cubano-venezolano, ‘Barrio Adentro’, cu ta desaroya centronan di salud y aplica “medicina preventivo den tur skina di e pais”. “E año aki, 2007, 1,153 mucha a keda sin muri”, segun e estadisticanan di ministerio di salud, “y esey ta danki na prevencion den salubridad”, segun Chavez..

E president a insisti: “Cuanto cualquier pais lo mester paga pa tin casi 30.000 docter, enfermera, oftalmologolo y odontologo 24 ora pa dia, reparti riba henter e teritorio y atendiendo tur caminda? ..... Ken por contestami esey?



Lo demanda Bush

## Si e para e aumento di fondo di salud pa muchanan pover

E gobernador di estado New York, Eliot Spitzer, a anuncia cu varios estado di e pais lo entrega un demanda contra e Gobierno di George W. Bush si esaki para, pa medio di veto, e aprobacion di e ley cu ta aumenta e fondonan di un programa di seguro pa muchanan di famia di menos recurso.

E Programa Estatal di Seguro di Salud pa Mucha (SCHIP) a worde crea pa famianan cu no por cubri gasto di un plan priva, y tampoco ta ricibi subsidio publico. Dia 28 di september ultimo, Congreso di Merca a aproba un proyecto di ley cu ta agrega mas di cuater miyon mucha na e seguro medico, cu lo a costa 35.000 miyon dolar mas, y cu lo a worde financia cu impuesto riba tabaco.

E proyecto a worde aproba den Senado, pero no lo logra reuni mas di e dos tercera parti necesario pa supera e veto presidencial.

E mesun dia, Bush a adverti di su intencion pa par'e, pa medio di su poder di veto, y a bisa cu ta trata di "un plan irresponsabel cu lo amplia e programa drasticamente, y lo bai mas leu cu su obhetivo original.

"E lidernan di Congreso sa cu lo mi aplica mi veto, pero ta



Salud pa un y tur

bon cu nan a dicidi di tené na vigor mientras nan ta trata di haya un medida mas responsabel", Bush a bisa.

P'esey, e estadonan di New York, Illinois, Maryland, New Jersey, Washington, Arizona, California y New Hampshire a anuncia dialuna nan intencion di entrega un demanda contra e Gobierno di Bush, si esaki para e iniciativa, cu den realidad ta ofrece cobertura di salud na 6,6 miyon mucha pover.

"Cu salud di muchanan di nos pais den balansa, president Bush ta preparando su veto na un compromiso di tur dos partido cu den Congreso pa sigura cu tur mucha ta ricibi

asistencia medico di calidad", Spitzer a sigura.

P'esey e'la urgi, mescos cu e gobernador di e otro estadonan, pa Bush haci "loque ta corecto", y autorisa e proyecto di ley.

E gobernador a hala atencion riba e hecho cu Congreso di Merca, diferente estado di e pais, y opinion publico, "ta claramente comprometi pa sigura cu famianan tin acceso na seguronan medico factibel pa nan yiunan".

Su homologo na Washington, Chris Gregoire, a añadi cu Gobierno federal mester sigui ta un "socio" den e tarea di percura pa salud di mucha y no un "obstaculo cu ta bloquee e caminda".

**PROME** Ministro britanico Gordon Brown a anuncia ayera, durante un bishita na Irak, cu 1,000 tropa britanico lo por ta na cas na Pasco, como ta su meta di transferi control di e provincia di Basra bek pa e iraquinan dentro di dos luna. Brown a papia cu tropanan britanico durante su bishita na nan base na Basra. "Boso ta balente, boso tin curashi, y mi ta imensamente orguyoso di boso", Brown a bisa 200 solda britanico bisti den uniform di desierto.



## Fiscal ta acusa agente di acepta soborno di mafioso di NY



**UN** agente di FBI a acepta soborno di mafia, den placa efectivo, hoyra horta, alohamento na hotel, bebida y protituta, a cambio di informacion secreto. Esaki tabata acusacion di fiscal estatal. Den un carta manda pa Corte Supremo di Brooklyn, fiscal a inclui acusacionnan nobo contra e ex agente L. Lindley DeVecchio, acusa di a brinda seguridad na un gang durante robo di un banco y di a alerta mafiosonan cu nan club ta worde spiona. DeVecchio, di 66 aña, a worde acusa aña pasa di a acepta soborno di Gregory Scarpa, hefe di e famia Colombo, a cambio di informacion secreto durante un guerra den seno di e famia durante decadanan di 1980 y 1990. E informacion a yuda Scarpa pa deshaci di su rival y otronan, entre nan un homber cu a worde asesina cu cinco tiro den cabez na 1990, segun e fiscalnan.

Den e carta, fiscal a acusa DeVecchio di a acepta hoyra di cual "e acusado tabata sa cu intregantenan di e gang di Scarpa a horta for di cahanan di seguridad durante asalto di un banco".

Asina mes, na dos ocasion den decada di 1980, e mafioso a duna instruccion na su yiu pa "paga na su nomber, alohameento den un hotel, champaña y servicionan di un prostituta pa e acusado", segun acusacion di e fiscal.

DeVecchio, cu ta den libertad despues di a paga fianza di un miyon dolar, a nenga e acusacionnan.

Den un audiencia cortico, cu a tuma lugha dialuna, DeVecchio a acepta un audiencia cu Huez Gustin Riechback pa esaki dicidi riba su caso, envez di un huicio cu un hurado investigador. E audiencianan ta cuminsa dia 15 di october den un huicio cu lo dura varios siman.

Si e worde haya culpabel, DeVecchio lo por ser condena na 25 aña di prison of un pena máximo di cadena perpetuo. Scarpa a worde condena pa homicidio y asociacion pa comete delito, y a fayece den prison.

**AWE**Mainta****  
e corant di Toko  
**Tel: 583-1400 Fax: 583-1444**



## Merca ta exigi pasport di mericanonan Den vuelonan for di Canadá, México, Caribe y Bermuda

**ENTRANTE** dialuna 1 di october, mericanonan cu ta bula pa Canadá, México, Caribe of Bermuda mester presenta un pasport valido, di acuerdo cu un regla nobo cu ta worde aplica na henter Merca.

Autoridadnan lo haci excepcion unicamente cu pasaheronan mericano cu ya a cuminsanan viahe y lo bolbe Merca despues di dia 1 di october, segun Departamento di Seguridad Nacional (DHS).

E medida ta parti di e asina yama: “Western Hemisphere Travel Initiative” cu a worde anuncia na november aña pasa como parti di un plan di seguridad nacional.

Desde e atentadonan di dia 11 di september 2001, Congreso y e entidadnan di seguridad mericano a haci vigilancia di frontera un di nan principal prioridadnan.

Inicialmente e medida tabata pa drenta na vigor dia 1 di januari, pero e exigencianan nobo a provoca un avalancha di peticion pa pasport y Departamento di Estado tabata incapaz di tramita nan tur prome cu e temporada di vacantie di zomer.



**Algun persona solicitando pa pasport na un oficina na Washington, DC**

Incluso Congreso mester a aproba un medida pa Departamento di Estado por a contrata empleadonan retira pa yuda den procesamento di pasport.

Pa motibo di criticanan riba e tardanza den entregamento di pasport, e departamentonan di Estado y Seguridad Nacional a anuncia na juni ultimo un extensión di e normanan anterior pa mericanonan por a viaha pa exterior cu otro documentonan mientras nan pasport tabata worde tramita.

Den e caso aki, nan mester a mostra un recibo di Departamento di Estado como comprobante cu nan a solicita pa un pasport mericano, pero e medida aki a expira mei anochi diadomingo ultimo. Autoridadnan mericano a logra reduci e tempo di warda y awor ta procesa solicitudnan pa pasport den seis pa ocho siman.

E organismo a informa cu e saca 16 milyon pasport pa loque ta bai di 2007, casi cuater milyon mas cu na aña 2006.

## Tres solda mexicano condena pa viola 14 muher



**UN** huez mexicano dialuna a haya tres solda culpabel di viola muher den e parti nort di Mexico, den un proceso civil inusual pa militar.

E tresnan tabata forma parti di un grupo di ocho solda

relaciona cu violacion y tortura di 14 muher den e estado nortño di Coahuila. Nan a worde sentencia na entre 21 y 41 aña di prison. Un di cuater solda a worde haya culpabel pa daño y a worde sentencia pa menos di cuater aña pa su participacion den tortura di e muhernan, segun huez di distrito Hiradier Huerta Rodríguez. Otro cuatro a worde haya inocente.

E crimennan a tuma luga na juli 2006, ora e soldanan a bandona nan posicion y a bai na e pueblo di Castaños, caminda e violacionnan a tuma luga.

E soldanan a converti den civil

ora nan a sali di Monclova y “a base di esey ya no tabata competencia di husticia militar pa tuma cargo di e procedura”, Huerta Rodríguez a bisa den un conferencia di prensa.

E condenanan a worde dicta despues cu un comision di derechonan humano a recomenda pa ehercito worde retira di e guerra nacional contra narcotráfico, pa motibo di e acusacionnan di violacion y tortura, contra e militarnan. Ehercito desde hopi tempo ta responsabel pa e lucha contra narcotráfico, ya cu nan miembronan a worde considera como menos corrupto cu e forzanan policial di pais.

## Universidad ta confirma cu Cristina Fernández ta abogado



Cristina Fernandez

**UNIVERSIDAD** Nacional di La Plata a confirma cu e candidato presidencial di gobierno, e senador Cristina Fernández, a gradua di abogado na e centro di estudio ey na 1979.

Un comunicado di e rector universitario Gustavo Aspiazu y di e decano di e facultad di derecho, Hernán Gómez, a sali ora varios version difundi den distinto medionan di comunicacion, pa un asina yama ‘ONG Defensa Ciudadana’, a pone den duda e titulo universitario di e esposa di president Néstor Kirchner y menazando pa denuncia e esposa cu husticia federal pa “robo di titulo”.

Fuentenan oficial a relaciona e denuncia cu e campaña electoral pa e eleccionnan presidencial di dia 28 di october, den cual Cristina Fernández ta aparece como amplio favorito y cu e vinculo di ONG cu un candidato opositor.

E comunicado di rector Aspiazu y di decano Gómez ta confirma cu senador Fernández a termina di somete su materianan di derecho na october 1979 y a ricibi su titulo di abogado dia 10 di december di e mesun aña.

E candidata a eherce su carera di derecho na La Plata, hunto cu su esposo, president Kirchner. Ambos a milita e tempo ey den agrupacionnan hubenil liga na peronismo.

E aña aki tabata tin dos caso comproba di figuranan publico cu tabata usa titulongan profesional cu nunca nan tabata tin.

Juan Carlos Blumberg, actual candidato pa gobernador di e provincia di Buenos Aires pa un partido derechista, a admiti na juni ultimo cu, aunque e ta usa e titulo di ingeniero, nunca e’la gradua den e carera universitario ey. E’la pidi excusa y a hustifica su mes bisando cu como su colaboradonan ta yamé “ingeniero”, e’la custuma di usa e titulo ey.

Cuater luna pasa, e actual Alcalde di e ciudad di Buenos Aires, Jorge Telerman, tambe a admiti cu e tabata usa e título di “licenciado” sin nunca a haye.

Telerman, cu a bai pa un re-elección, a worde derota den e eleccionnan municipal di e capital argentino, y lo baha di e puesto dia 10 di december.



# Deporte

Kier disfruta e momento

## Julio Baptista a bisa cu loke kier caba e temporada den e club merengue

E brasileño Julio Cesar Baptista, hungador di Real Madrid, a afirma cu lo purba sigui tur e temporada den e club blanco, aunke Bernd Schuster ta dun'e poco oportunidad y cu t'e na e proximo aña no dicidi riba su futuro.

“Mi no a planea nada. Loke mi ta bay purba intenta ta sigui e aña aki nan mes y mi ta kere e aña cu ta bin mi lo dicidi”, e internacional a dicidi. Ademá, Baptista, cu e pasado temporada a hunga como renta na Arsenal ingles, a anuncia cu den caso di sali di Real Madrid, lo wordo poni riba renta. “Ami no ta sali di aki como renta, tin cla esey y e club ya sa cual ta mi opinion riba e asunto ey”, el a insisti. No obstante, a admiti cu pa por coy e ritmo ideal mester hunga mas y tambe segura cu pone na dispone di oportunidad pa demostra loke sa hasi.

Baptista a reconoce cu a prefera keda e temporada aki den Real Madrid paso, “despues di regresa di Copa America a keda poco dia pa tuma un decision”.

“Pa ami, sali den e momento no tabata bon. Tabata tin despues cu adapta na un team nobo y un ciudad nobo”, el a subraya.

Segun Baptista, e compra nobo nan di e team blanco, manera e caso di Sneijder of Robben, no ta supone un contra tempo. “Liga ta hopi largo y tin cu spera e momento. Contra Betis mi tabata tin'e y mi a marca”, el a recorda.

Baptista a comenta cu despues di su regreso di Inglaterra, a haya cu un vestuario madridista hopi cambia. “E ta nobo y diferente, no tin nada di haber cu wak cu esun cu yega. Ta nota un poco mas di tranquilidad”, el a bisa.



Na duna buelta

## AC Milan lo mester purba den UEFA Champions League mustrando tur loke tin

AC Milan, cu a biaha cu e keeper brasileño Dida pero sin e defensor Kaladze, lo purba na Glasgow, mustra su briyante cara europeo contra di Celtic y no tristo exhibi den competicion nacional, pa pone fin na e periodo di crisis cu ta biba y segura den gran parti su obhetivo na e siguiente round di UEFA Champions League.

E actual campeón europeo ta den su sauce den e competicion aki, pero a hoga na Italia. E ta algo cu ta preocupa e seno milanista y cu a motiva incluso un “cara cara” entre hungadornan y tecnico den e intento di haya e motibo y cu esey pone e solucion adecua.

Y ta desea cuminsa na evidencia na Celtic Park, unda ta spera un rival pero cu semper a duna lo bon na e team milanista. Ademá, un triunfo a reafirma Milan e prome lugar di e grupo D despues di a gana e prome wega contra di Benfica di Jose Antonio Camacho di pa 2-1.

E tecnico milanista, Carlo Ancelotti, ta mustra a recupera Dida cu no a hunga den e dos ultimo weganan pa un molestia na su lomba. Su recuperacion ta importante, pues su sustituto e australiano Zeljko Kalac a faya mas di lo normal.

En cambio e problema pa Ancelotti ta den e centro defensivo, pues Kaladze a lesiona y Paolo Maldini ta sigui recuperando di e operacion cu tabata realisa na mei. Na tin den e demarcacion husto, lo normal ta cu sali Daniele Bonera hunto cu Alessandro Nesta, aunke no por descarta e croata Dario Simic.

E duda milanista por bin den atake, unda ta hunga cu un solo punta: Filippo Inzaghi of Alberto Gilardino.

E brasileño Kaka, autor di e triunfo cu a permiti su team elimina Celtic den e octavo final di e pasado edicion, y e hulandes Clarence Seedorf lo ta dispuesto pa tras di dje.





## Novedad den Merengue

# Robinho ta uni na Pepe y Metzelder y Van Nistelrooy ta regresa

**ROBINHO** ta un gran ausencia di e lista di convocado ofreci pa Bernd Schuster, pa e di dos wega di Real Madrid den e fase di grupo di UEFA Champions League, cu lo hunga diaranson na Roma contra di Lazio, sin e lesionadonan Pepe y Metzelder pero cu e regreso di Ruud van Nistelrooy.

E wega di Liga contra di Getafe den e Coliseum Alfonso Perez a laga di lesion Robinho y e molestia di pareha cu a forma den e centro di defensa, Fabio Cannavaro y Sergio Ramos.

Robinho tabata sustitui cu un golpi y un lesion na su pia robes, cu a provoca cu ta keda abou den e wega contra Lazio y e dokternan ta pone traha pa recupera pa e proximo wega di Liga, contra Recreativo di Huelva e proximo diadomingo.

Mihor suerte Cannavaro no a core.

E central italiano a sufri un fuerte im-

pacto den e prome parti di e wega di diadomingo, pero por a caba e wega.

Tambe Sergio Ramos a lanta ayera yena di dolor despues di e fuerte choke cu tabata tin den e palo di gol cu a score y cu a caba dunando tres punto na Real Madrid na Getafe. No tin problema pa hunga awe.

Den e capitulo di novedad a destaca e buelta di Ruud van Nistelrooy. E delantero hulandes a perde e dos ultimo wega di Liga, contra Real Betis y Getafe, pa un sobrecarga muscular na su pia robes cu ya a supera.

Tambe a regresa na e convocatorio Michel Salgado y Gonzalo Higuain, cu a drenta den rotacion di Schuster pa e ultimo wega.

Den e hospital madridista ta e brasileño nacionalista portugues Pepe y e aleman Christoph Metzelder.



## Un final di atake

# Colorado Rockies ta logra laga San Diego Padres den veld

**CU** un sensancion wega. Den e parti abou di 13 inning, Rockies a podera dialuna cu e wild card di Liga Nacional na gana 9-8 riba San Diego Padres, den e wega di desempeta mas prolonga den e historia di Grandes Ligas.

Un sacrifice fly di Jamey Carroll serca den right field pa asina Matt Holliday hinka e careda di triunfo.

San Diego a mostra cu tabata tin e victoria den su saco, despues cu un homerun di dos careda di Scott Hairston contra e venesolano Jorge Julio di nueve pitcher di Colorado, den e parti ariba di 13

inning pa pone den ventaha 8-6 San Diego.

Pero Rockies a duna buelta cu un rally di tres careda den e parti abou contra Trevor Hoffman, e closer cu 524 rescate pa bida cual ta lidera e lista historico.

Colorado den e postseason pa prome biaha desde 1995 lo topa cu Phillies, den un serie di mihor di cinco wega cu lo cuminsa awe na Philadelphia.

Kaz Matsui y Troy Tulowitzki a saluda cu doblete riba Hoffman pa pone e score na 8-7 y Holliday e campeon di bateo di e circuito bieuw a añadi un triple pa un

empate.

Despues cu Todd Helton a ricibi un base por bola intencional, Carroll a gara e linea bat'i pa Brian Giles, cual tiro a pica dilanti di e catcher Michael Barrett, ken no por a retene e bala mientras Holliday tabata pasando su cabs.

E umpire Tim

McClelland a tarda na canta safe y riba television no por a aprecia si Holliday a touche base cu e man e man robes of si tabata blokea pa e pia robes di Barrett.





Lo no kit'e for di trabou

# Willie Randolph lo mantene como manager di Mets

E manager di Mets, Willie Randolph lo sigui cu e team e proximo temporada, na ta confirma e puesto despues di e monumental colaps di New York na final di e temporada regular. Omar Minaya, e gerente di Mets, a anuncia diamars cu a pone fin na tur speculacion cu Randolph lo ta dispidi apesar cu a firma un renobacion di contract prome cu e temporada aki.



New York a perde 12 di su ultimo 17 wega y a perde su cabes den e Liga East Nacional, y keda afo asina di play-offs. Mets a converti den e prome team den e historia cu no ta logra retene e prome lugar despues di bay siete wega di ventaha na falta di 17 wega pa hunga. “Tabata hopi dificil consola e soño nan ultimo anochinan”, Randolph a bisa. E der-  
rota di 8-1 riba Florida den e wega final di diadomingo, cu Tom Glavine a bay despues di apenas un out den e prome inning, a permiti Phillies gana e titulo divisional di East pa un wega di ventaha na gana Washington. E talentoso Mets tabata laga afo di play-offs, hasiendo e prome team di Grandes ligas cu a faya na termina na prome lugar despues di tin un ventaha di siete wega of mas, restando 17 wega den e calender. New York cu tabata tin e ventaha ey 12 di september, a empata ademas e mayor ventaha perdi den september. “T’e ainda mi’n por kere cu a caba e temporada. T’e ainda mi ta sinti manera nos tabata hungando, pero nos no a logra esey”, John Maine a bisa.  
Den un ciudad unda Mets ta competi rabia pa e titularnan di e corantnan na su primo Yankees.

Ayo na Formula Uno?

# McLaren di Formula Uno por desaparece si Mercedes dicidei cumpra esaki

E team McLaren por desaparece, na ta cumpra pa Mercedes, cu ta posee 40% di e accion y uza su number, si e proyecto Prodrive cu tabata core cu auto mescos, sali dilanti y Ron Dennis y Martin Whitmarsh por pasa na encabesa e proyecto nobo aki. Cu e accion aki, cu ta wordo studia, por scapa e pago di parti di e multa di 100 miyon di dollar, imponi pa Consejo Mundial di FIA, na desaparece McLaren, y tambe sepera su dos actual piloto, Lewis Hamilton, cu lo bay pa Prodrive cu su mentor Dennis y Fernando Alonso pa Mercedes. E solucion aki por ta hopi positivo pa un principal sponser di e team, Banco di Santander, cu por sigui apoya Mercedes cu Fernando Alonso y cu Pedro de la Rosa, cu ya lo no bay Prodrive manera tabata musta, mientras cu e team nobo, cu Lewis y otro piloto britanico, lo luci e publicidad di Abbey Bank, propiedad di Santander. E pago di 100 miyon di dollar di e multa lo deduci di e premionan cu ta corresponde na McLaren di e Campeonato di Mundial cu constructor y di transporte, pero ainda ta keda pa ingresa un 35 miyon. Cu lo por scapa McLaren si e team desaparece, cu aña pasa a celebra su di 40 aniversario y ta esun mas antiguo despues di Ferrari. Cu e desaparicion di McLaren y su escision den dos team cu ta comparti e mesun tecnologia, por resolve na cual ta enfrenta e actual team y su piloto, pero e biaha aki por solamente ora yega na un acuerdo cu e nobo nan.





## S.V. Volvox / American Home Assurance ta organisa otro torneo

**DIADOMIGO** 7 di oktober S.V.Volvox ta organisa otro tremendo torneo di Volley pa nos hobennan volleybalista. Esaki ta otro oportunidad pa e hobennan midi forza cu otro y asina demonstra nan progreso den e deporte di Volley. Manera ta progama esaki ta un antesala na e campeonato 2007 hubenil, ya cu esaki ta progama pa cuminsa dia 14 di oktober 2007. Pues amantenan di Volleyball, S.V.Volvox ta invitabo(so) sin falta pa bin presencia e tremendo weganan nan di nos hubenilnan di Volley. E torneo aki lo bai ta na ST. Anna School na Noord ( bou di e overdekte speelplaats ). Esaki lo bai cuminsa pa 9.30 di mainta y lo sigi te den oranan di atardi. E schedule di wega lo ser reparti na comienzo di e weganan den ora di mainta.



**AWE**Mainta****  
e corant di Toko

**Tel: 583-1400 Fax: 583-1444**

Play off di Comision Pro Softball Organiza a continua

## Universal Trophy ta bons bek y ta forza un wega mas pa awe

E tremendo campeonato di Comision Pro Softball Organiza ta den su fase final. Un campeonato bon hinka den otro cu alrededor di 130 wega hunga awor ta den trayectoria di playoff pa determina campeon den kada liga. Den dobbel-A esaki ya ta conosi cu Royal Power a sweep Gess Power 3-0 den best out of five pa titula campeon. Den

A-Clas sinenbargo Universal Trophy ta forza un wega mas despues di tabata atras 2-0 den e serie a reaciona y a manda bisa Accountant Kantoor Arrindell bay cas bek cu tur e champagne cu nan a trese veld diadomingo na Calabas y bin bek diaranzon na Kudawecha cunan y bin purba boso suerte. Den Liga Orkidia e liga di flornan bunita Jaguars a bay ariba 2-0 den nan serie di best out of five ganando Digicel Devils cu score preta 4-3 diadomingo ultimo riba veld di Calabas. Jaguars 4 careda, 4 hit, 1 error. Digicel Devils 3 careda, 5 hit, 3 error. Pitcher ganador a resulta Zagyr Jones y Ludmila Geerman a bay cas cu e derota.

Tur dos pitcher a lanza un partido sublime. Mihor bateadornan pa Digicel ta Jesmina Rasmijn 3-2, Juraima Eduards 1-1. Pa Jaguars tabata tin 4 hungador cu 1 hit den 3 turno. Den A-Clas Universal Trophy ta alarga e serie ganando Universal Trophy cu score di 11-6. Universal Trophy 11 careda, 13 hit, 3 error. Kantoor Arrindell 6 careda, 10 hit, 5 error.

Wega tabata empata na 5 careda te den di 5 inning unda Universal Trophy a coy un rally di 6 careda cu batazonan clave contra di Rodney Geerman ayuda cu algun error y ta seya nan victoria.

Albertico "Tico" Loopstok ta bay henter e ruta y ta bay cas cu e victoria. Frederick Krozendijk ta habri pa Accountant Kantoor y ta ser releva pa Rodney Geerman kende ta carga e derota y na su turno ta haña relevo di Raymond Dirksz. Mihor bateadornan pa Universal Trophy ta Andrew Loopstok 3-2, Alvin Pereira 5-3, Mario Kwidama 4-2 y Joderick Briezen 2-1. Pa Kantoor Arrindell a destaca na bate Jarzinho Figaroa y Emilio Berlis di 3-2, Andy Figaroa 4-2, Ruben Geerman 2-1.

Kantoor Arrindell ta dilanti 2-1 den e serie. Diaranzon awor cuminzando pa 715pm Jaguars vs Digicel Devils unda Digicel mester un victoria pa forza un wega mas pero cu un victoria pa Jaguars nan lo titula campeon y asina detrona Digicel Devils cu tabata tin e titulo pa tres aña consecutivo.

E di dos wega di e anochi aki ta mescos pues un victoria pa Accountant Kantoor Arrindell nan lo ta campeon mientras cu Universal Trophy ta purba empata e serie na dos pa forza un wega desisivo cu lo por bira uno dramático. Fanaticada di softball fastpitch yega Kudawecha diaranzon awor pa mira ultimo weganan di playoff final di aña 2007.

## Oro pa canalnan di television durante Mundial di futbol femenino

“ORO pa e companianan di televisión”, asina FIFA ta declara, bisando cu no tabata solamente e campeonnan Alemania cu a logra oro durante e partido final di e Copa di Mundo Femenino diadomingo ultimo. E companianan di televisión di e dos finalistanan, ZDF na Alemania y Rede Bandeirantes na Brasil, a pone recordnan nobo a pesar di e diferencianan di tempo desfavorable. Rede Bandeirantes a yega un rating extraordinario alrededor di 15 punto, tres biaha mas halto cu e promedio di henter un diadomingo y hopi mas cu e expectativa di e propio canal di televisión. Canal ZDF di Alemania a logra un audiencia di 9.05 miyon televidente, representando un 50.5 por ciento di e mercado total. E canal, cu tabata tin e derechonan principal di televisión durante e evento cu a dura tres siman, tabata masha contento cu e resultadonan, cu tabata mas halto cu e audiencia mas halto cu a logra cu e partidonan di Champions League durante full e periodo 2005/06 (8.1 miyon televidente pa e cobertura en bibe di e partido AC Milan v.s. Bayern Munich). Mas ainda, e cobertura di e Grand Prix di Formula I na Japon, cu tambe a tuma lugar diadomingo, a atrae 2.2 miyon televidente. Pa pone esaki den contexto, e audiencia mas halto pa Formula I cu a wordo registra te cu awor na Alemania tabata 7.95 miyon pa un transmisión di e Grand Prix Europeo cu a tuma lugar riba un diadomingo y na e mesun ora cu e partido final di e FIFA Women's World Cup a wordo transmiti. “E resultadonan magnifico aki, cu ta refleha tambe e atencion extraordinario den e stadionnan durante henter e campeonato y e cantidad creciente di hende muhernan cu ta hunga futbol rond mundo, ta prueba di e mehoracion brillante di futbol femenino na un nivel universal. E ta un fuente di estimulo extra pa cualquier persona cu ta siguiendo e ehempel di FIFA y cu ta kere firmemente den futuro di futbol femenino,” Presidente di FIFA Joseph S. Blatter a comenta.



Na caminda pa Weganan Olimpico Beijing 2008:

## Mon Plaisir School a bira partner den e programa Heart to Heart



**CARANAN** alegre pa loke tabata spera nan e mainta ey. Muchanan orguyoso pa tende e bon noticia cu nan scol a wordo eschohi pa ta “scol ruman” di un scol te na otro banda di mundo, esta na Beijing, China. Invitadonan special – entre nan Prome Ministro Nelson Oduber y Presidente di Comité Olimpico Arubano Leo Maduro – cu a bin comparti e mensahe tan bunita di harmonia y amistad cu otro culturanan y otro paisnan di mundo. Esaki tabata algun di e elementonan di un ceremonia special cu a tuma lugar na Mon Plaisir Basis School dialuna mainta trempan. Den presencia di Cabezante di e scol, sr. Yvo Coenjaerts, docentenan di e scol y tur e 397 alumnonan di Mon Plaisir School, a tuma lugar e ceremonia cu a inaugura oficialmente pa Aruba e “Heart to Heart Partnership Program”, un di e componentenan di e programa educacional di e Weganan Olimpico di Beijing 2008. Aruba di e forma aki ta uni su mes na un programa masha bunita, cu tin como meta pa muchanan di scolnan basico di Beijing cuminsa un intercambio cu hobennan di e paisnan for di unda e miembronan di e Famia Olimpico ta bin. E “Heart to Heart Partnership Program” ta duna contenido na e lema di e Weganan Olimpico di Beijing, esta “One World, One Dream” y ta promove idealnan Olimpico di union, amistad y paz. Mon Plaisir School awor ta bira “scol ruman” di Dingxiang Primary School, situa na Beijing, China. E scol aki, cu a wordo honra cu bishita di Prome Ministro di Aruba durante biahe di e mandatario pa China na juni ultimo, tin no menos cu 891 alumno y 82 docente. E scol ta uno cu un historia largo, bayendo bek te na aña 1871!

Como parti di e Heart to Heart Program, studiantenan di e scol na Beijing ta siña tocante e idioma, cultura, historia, geografia, custumbenan y maneranan di nos pais, y lo cuminsa un intercambio cu – den e caso aki – Mon Plaisir School. Durante e Weganan Olimpico, representantenan di Dingxiang Primary School lo bishita e Villa Olimpico pa atende e Ceremonia di Bonbini pa e delegacion Arubano, mientras cu nan lo bishita e competencianan deportivo tambe pa apoya nos atletanan. Tambe nan lo invita atletanan Arubano pa bishita nan scol. Naturalmente e alumnonan di Mon Plaisir School lo bai siña awor tocante China, tocante e idioma chine, e cultura, historia, geografia, custumbenan y cushina di e pais maravilloso aki. Di e forma aki nos por crea mas comprension y respet pa otro culturanan bou di hobennan di nos pais.

Presidente di Comité Olimpico Arubano, Leo Maduro, a hasi entrega di un plakkaat cu lo keda como recuerdo di e ceremonia di awe. Prome Ministro di Aruba, Nelson Oduber, a entrega na cabezante di Mon Plaisir School algun recuerdo cu ela ricibi personalmente for di cabezante di Dingxiang Primary School y cu na e ocasion ey ela wordo pidi pa entrega na e scol na Aruba, simbolizando asina e inicio di e intercambio entre e dos scolnan. Secretaria General di COA, Nicole Hoevertsz, a percura pa cada un di e alumnonan di Mon Plaisir School ricibi un recuerdo di e mainta, den forma di un pin di Comité Olimpico Arubano. Coordinador di e proyecto, jufrouw Perlshka Orman (miembro di Directiva di Comité Olimpico Arubano), hunto cu alumnonan y otro docentenan, a percura pa e scol ta decora masha bunita den ambiente di China, completo cu un dragon y lampionnan den e colornan tradicional cora y oro. E mascotanan di e Weganan di Beijing, e cinco Fuwas (“Friendlies”) tambe tabata presente den e decoracionnan y hasi e ambiente realmente unico. Alumnonan a presenta un obra di arte specialmente traha pa e ocasion aki, cu tabata contene e renchinan Olimpico, e logo di e “Heart to Heart Program” y e nomber di Aruba y Beijing. Durante e proximo lunanan COA y Mon Plaisir School lo sigui publica mas tocante e “Heart to Heart Program”, pa asina otro scolnan tambe por ta mihor na haltura y kizas te hasta uni nan mes na e iniciativa aki. Riba e portretnan por aprecia algun momento di e ceremonia dialuna mainta na Mon Plaisir School. Mas portret lo wordo publica riba e website di Comité Olimpico Arubano, [www.olympicaruba.com](http://www.olympicaruba.com).



# Barracuda ta bay dilanti den gran final Budweiser blackball

E gran final di Budweiser Blackball Tour 2007 ta den full swing y e fin di siman aki e campeon 2007 lo bira conosi den Smooth Billiards na Bushiri. Den un tremendo partido siman pasa e team campeon di tur tempo, Barracuda, a pone e guy nan cu ta yama nan mes "Hut & Sexy", esta Hut Predators, para straight straight ora cu Barracuda a dal nan cu 5-4!!! Fax, email, y telefon a bay para te na Las Vegas pa cambia e odds nan di biaha, ya cu Hut Predators ariba papel tabata musta e gran favorito! Pero, algun "djaka bieuw di Deli Bar" a disidi di pone pia y laga e predator nan trompica na ultima ora!!! Ransley ta habri wega mas "psaiko" cu nunca y ta dal Enrique Geerman di Barracuda duro cu 3-1! Hut Predators ta bay dilanti cu 1-0. Otro "psaiko" geneticamente manipula, Juancho 'The devil' Ridderstap, ta totalmente den "top shape" y ta dal David brete duro cu 3-0 pa pone un bentaha crucial pa Predators di 2-0!!! Pero e momento di "bolter" ta yega ora cu den un bataya fuerte e conosido Lucas Tromp di Barracuda ta gana e legendario "Kwek" Chirino cu 3-2 pa asina corta bentaha na 1-2! Segun comentario aki nan "schoonzoon" a haya forza contra "schoonpapa" atrobe!

E gran "upset" den e partido tabata momento cu e prome "djaka di Deli Bar" ta sorpresa nada menos cu "El Bon Bon" Elvis Everts totalmente!!! Hungando tremendo "wega di djaka", e conosido Pepe La Rosa ta bari "el bon bon" cu 3-0 cu CAPOTI foi mesa y chuculati a spaart den smooth!!! Barracuda ta empata na 2-2!!! Den doubles, Emile "New Yorker" Kock y Jonathan Ridderstap te enfrente David Franken y Jerry Diaz di Barracuda y den un wega preta-preta Emile y Jonathan ta dal nan 2-0 pa Predators pica dilanti cu 3-2!! Rumor ta bisa cu desde aki nan ta "rap" so "schoonzoon" a keda "rap" den horea di "schoonpapa"!!!! Ari "Rifle Man" Jansen falta net un cartuchi pa tumba Charles Regales kende ta dal Ari cu 3-2 y bolbe pone Barracuda empata cuenta na 3-3!!! Barracuda ta manda nan "star player" Aaron Franken pa tuma bentaha pero Fredley Spechoit ta tira un monster di wega y ta dal Aaron 3-NULLL cu 2 CAPOTI!!!! AUUUCH!!! Predators ta tuma bentaha bay dilanti cu 4-3!!! E honor di caba cuenta ta wordo poni den man di Markito Farro, pero un biaha mas e Indjan di Barracuda ta demostra su gran clase y den un bon wega ta gana nip-nip di Markito cu 3-2!! Spectacularmente y den un sala pata-

pata di emocion, Barracuda ta empata na 4-4!! E "weapon of mass capoti" di Hut Predators ta Sali ... D'Gun Acosta ta bin pa caba cuenta, pero ken por kere cu'n djaka di Deli Bar ta perde su "strek-en" nan????? Hungando un tremendo partido Miguel Tromp di Barracuda, e guy cu tempo di su tempo tabata suta hende den Deli Bar cu'n pia ariba mesa, ta sorpresa D'Gun Acosta y ta probecha di cada biaha cu D'Gun net net no ta "yegaaaaa"!!! D'Gun ta gara e prome rack, pero Miguel ta dal e 3 tras di otro pa spectacularmente gana cu 3-1 y pone Barracuda tuma bentaha di 1-0 den e serie di best of 5!!!! E wega nan ta sigui e siman aki na e "hut spot" di billiard na Bushiri, esta Smooth Billiards!! Diahuebs 4 oktober (dierendag p'e visjes nan?) pa 7:00 PM y Diabierna 5 oktober pa 7:30 PM

Barracuda lo enfrente Hut Predators p'e titulo maximo! Si tin mester lo tin wega Diasabra 6 oktober pa 7:30 PM y si ainda mester di e wega di desempate, diadomingo 7 di oktober pa 5:00 PM lo hunga esaki. Barracuda e decada aki a enfrente Predators varios biaha den final y tur ora Predators a sa di bay cu e triunfo! Pueblo di Noord ta sclama pa porfin Barracuda bolter e pagina scur aki for di nan dagboek y bin cu e copa cas un biaha mas!!! Shon nan no keda sin wak e ultimo capitulo di e novela Budweiser Blackball Tour e fin di siman aki na Smooth Billiards na Bushiri!!!!





**THE CINEMAS**

**NEW RELEASES**



**DWAYNE 'THE ROCK' JOHNSON**  
Joe Kingman had the perfect game plan to win the championship... but first, he has to tackle one little problem.

**THE GAME PLAN**



**december boys**



**SKIN WALKERS**

**THE CINEMAS AT RENAISSANCE**

<b>RESIDENT EVIL: EXTINCTION (R)</b>			
daily: 4:05	6:05	8:05	10:05
matinee: 12:05		2:05	late-show: 12:05
<b>THE BOURNE ULTIMATUM (PG-13)</b>			
daily: 5:00	matinee: 12:15 2:35		
<b>SKINWALKERS (PG-13)</b>			
daily: 7:20	9:30	late-show: 11:50	
<b>DADDY DAY CAMP (PG)</b>			
daily: 4:10	6:10	matinee: 12:10 2:10	
<b>NINAS MAL (R)</b>			
daily: 8:10	10:15	late-show: 12:25	
<b>DECEMBER BOYS (PG-13)</b>			
daily: 4:30	6:45	9:00	late-show: 11:15
matinee: 12:00		2:15	late-show: 11:15
<b>THE BRAVE ONE (R)</b>			
daily: 4:55	7:30	9:50	late-show: 12:15
matinee: 11:50		2:20	late-show: 12:15
<b>DEATH AT A FUNERAL (R)</b>			
daily: 4:25	6:25	8:25	10:25
matinee: 12:25		2:25	late-show: 12:30

**THE CINEMAS AT PASEO**

<b>THE BOURNE ULTIMATUM (PG-13)</b>			
daily: 5:25	7:40	matinee: 12:35 3:00	
<b>DEATH SENTENCE (R)</b>			
daily: 10:00	late-show: 12:15		
<b>THE BRAVE ONE (R)</b>			
daily: 4:00	6:40	9:00	late-show: 11:35
matinee: 1:25		late-show: 11:35	
<b>DADDY DAY CAMP (PG)</b>			
daily: 4:20	6:20		
matinee: 12:20		2:20	
<b>NINAS MAL (R)</b>			
daily: 8:20	10:25	late-show: 12:30	
<b>DECEMBER BOYS (PG-13)</b>			
daily: 5:05	7:20	9:45	
matinee: 12:35		2:50	late-show: 12:00
<b>RESIDENT EVIL: EXTINCTION (R)</b>			
daily: 4:25	6:25	8:30	10:30
matinee: 12:25		2:25	late-show: 12:25
<b>THE GAME PLAN (PG)</b>			
daily: 4:50	7:10	9:30	
matinee: 12:10		2:30	late-show: 11:50

**DRIVE IN THEATRE**

<b>THE SIMPSONS MOVIE (PG-13)</b>	
Wednesday: 8:00	<b>CAR-CRASH</b>

**Matinee: Sat & Sun / Late-show: Fri & Sat**



## Pronto Wit Gele Kruis ta bini cu programa “Biba cu Diabetes”

CU diabetes ta un problema grandi pa e salud publico, ya caba ta un hecho conoci pa algun tempo. Na aña 2000 tabatin rond mundo un total di mas of menos 151 miyon pashent di diabetes, na aña 2030 ta pronostica cu e cifra aki lo aumenta te na 360 miyon persona. E cantidad di pashent e ora ey lo a bira mas cu dobbel. E malesa a cuminsa tuma un forma di epidemia. Na Merca ya caba ta pronostica cu di cada 3 mucha, nace na aña 2000, un lo desaroya diabetes. E dos categoría mas importante di diabetes ta diabetes tipo 1 y tipo 2. Diabetes tipo 1 ta e categoría di diabetes cu por wordo trata djis door di inyeccion di insulina. Diabetes tipo 2 ta e categoría di diabetes cu por wordo trata door di cambio den estilo di vida y remedi oral (mirando cada dia mas pashent cu tin e diabetes tipo 2, pero cu tin mester di inyeccion tambe).

90% di diabeticonan tin e asina yama diabetes tipo 2. Dicon diabetes ta bierando un problema grandi? Diabetes ta un malesa cronico cu despues di tempo por trece cune complicacionnan, esaki door di e daño haci na e ader y nervionan den curpa. Na momento di e diagnostico 50% di diabeticonan tin ya caba di lidia cu complicacionnan di e malesa como por ehempel bista cu ta bai atrás y problema di circulacion. Nos ta wak no solamente un aumento di e cantidad di diabetico, pero tambe un aumento drastico den e cantidad di mucha cu diabetes tipo 2, e diabetes cu te cu algun tempo pasa tabata conoci como “diabetes di biehes”. E problema ta cu e buchanan aki ya caba por haya complicacionnan “adulto”. Esaki kiermeen cu lo mester bai trata muchanan cu por ehempel cu nan 20 aña mester bai haci dialyse of cu nan 30, por haya

un ataca di curason of un stroke. Y tin mas .... Pre-diabetes ta un condicion caminda hende tin nivelnan di sucro demasiado halto, pero cu ainda no ta suficiente halto pa wordo diagnostica como diabetes. Ora cu un hende tin pre-diabetes, tin en verdad un posibilidad mas grandi di haya malesa di curazon of circulacion y un Chens mas grandi di haya diabetes. Tin hopi hende ta cana rond cu pre-diabetes y mayoria di nan no sa esaki mes! Mientrastanto nan ta core e riesgo di malesa di curason y circulacion cu si ta presente. Aruba tampoco ta realisa ainda e problema creciente aki di pre-diabetes. E desaroyo di un diabetes tipo 2 tin di haci, banda di herencia familiar, cu nos estilo di vida: en particular factornan manera sobrepeso, falta di actividad fisico y mal alimentacion tur responsabel di e aumento grande

di pashentnan di diabetes, tambe na Aruba! Tambe e aumento di diabetes tipo 2 serca muchanan ta relaciona cu factornan di estilo di vida determina: nos ta wak cada dia mas mucha cu sobrepeso, muchanan cu no ta hopi activo (ta sinta hopi tras di computer of tv), muchanan cu ta come demasiado junkfood y hopi refresco. Por maneha e problema di diabetes? Den gran parti si. Pero e ora ey nos mester bira activo y cuida miho di nos curpa. Nos mester analisa nos mes hopi bon pa wak con leu nos ta, pa loke ta trata risico. Prevencion ta cuminsa cu bo mes, haci algo pa bo mes, asina abo of bo jiu mas lat no lo mester paga un prijs halto!. Pesey den e lunanan benidero Wit Gele Kruis ta bai bini cu un programa na television tocante “Biba cu Diabetes”. Cu lo bai pasa na tur dos canalnan esta Tele Aruba y ATV.

Booth di SETAR

## “Your lifestyle: powered by SETAR”

### A causa hopi furor den EXPO CAS 2007

SETAR e compania “all service provider” no unicamente ta duna e clientenan un medio pa comunica. E servicionan di Setar ta inovativo y pa tur estilo di bida. Tur loke ta trendy den telecomunicacion pa tanto e cliente su cas como pa su estilo di vida a wordo presenta den e booth di SETAR durante Expo 2007 fin di siman cu a pasa.

Naturalmente manera ta custumber di SETAR a bai cu ofertanan special pa tur bishitante di EXPO. Tambe tabata sorteo caminda e bishitante por gana premionan hopi atractivo.

Ta importante pa tin tur e medionan pa por comunica den bo cas y rond di bo cas na bo alcance. E servicionan cu a enfatisa tabata Wi-Fi@Home, DSL pa bo residencia, paketenan atractivo di celular y telefonnan di cas. Na SETAR semper bo por instala lo ultimo den tecnologia di telecomunicacion moderno pa bo residencia futuristico.





# “Kick-of Party” di AMF ta awe nochi na Paseo Herencia

PA pone tur hende den ambiente pa e dos anochinan di concierto pa e fin di siman aki, Aruba Music Festival lo bai tin e acostumbrado “kick off party” na Paseo Herencia di 6-11 p.m. y durante e actividad aki lo bai tin kaarchinan di entrada na prijs special na benta. Aruba Music Festival a traha un pakete special di Richards Marx y Robin Gibb di \$ 60,= of Afls. 105,= of por cumpra kaarchi pa anochi individual di \$ 44,= cu lo bira Afls. 44,= .

Si AMF kier a informa tur fanaticonan di e artistanan cu e antidad di kaarchinan cu lo bai ta e prijs special lo ta limita y si esaki caba e la caba. “Op is Op”

Restaurantnan di Paseo Herencia tanto Scala y Taste of Belgium lo bai tin un menú special pa ofrece tur esnan cu ta

desea di come dushi y disfruta di un anochi agradabel hunto cu e tiendanan cu ta habri te cu 9:00 p.m.

## Benta internacional di ticket

Después di a anuncia e line up di e aña aki un par di luna pasa expectativa cu a reina internacionalmente ta grandi y a ser bon bendi na Merca, Colombia, Venezuela, Curacao y mester remarca cu cada promocion pa e festival internacional ta promocion gratis pa Aruba y esaki lo aporta pa tin mas bishitante durante e week-end aki na Aruba. Minister di Turismo Ing. Edison Briesen ta hopi satisfecho cu e acohida di e line up di aña aki caminda Aruba a hanja hopi promocion den varios corant y TV tanto na Merca como na Latino America. Y tur esakinan ta contribui pa

pone Aruba su nomber den luz positivo y e asina yama “Columbus Day” week-end lo converti e isla den un paraiso pa amantenan di bon musica cu lo ta viahando pa Aruba pa presencia Richard Marx y Robin Gibb den e di 6 edicion di Aruba Music Festival.

Mientras tanto preparacionnan ta den full swing na Aruba Entertainment Center y lo ta cla pa ricibi tur hende diabierna ora porta habri pa 6:30 p.m. y show mes lo cuminsa pa 8:00 p.m. Artistanan ta programa pa yega Aruba diahuebs.

## Oportunidad pa entrega prensa local na “badge”:

Durante e actividad na Paseo Herencia tambe ta hasi uso di e oportunidad pa

entrega prensa local nan “badge” pa nan por asisti na e conciertoan.

Y mester remarca cu e special ariba ticket lo ta solamente diaranson, 3 di oktober durante e actividad na Paseo Herencia di 6-11 p.m. y despues di esaki entrada lo ta normal bek y obtenibel na tur localidad di SETAR esta; Iraisquin Plein, Palm Beach, Sta. Cruz, San Nicolas como tambe na e booth na aeropuerto y na De Palm Tours activities desks na:

## Sponsornan ta:

Renaissance Aruba Resort & Casino, Aruba Marriott Resort & Stellaris Casino y The Westin, Hyatt Regency Resort, Setar NV, De Palm Tours, American Airlines y KLM cual ta e aerolineanan oficial pa e Aruba Music Festival 2007.

## Reconstruccion na Aeropuerto ta canando segun plan E parti publico di e area di concesion ta cla

**DIALUNA** 1 di oktober 2007 e reconstruccion na e parti paden di Aeropuerto Internacional Reina Beatrix unda cu e tiendanan ta situa a keda cla y a wordo entrega na gerencia di AAA door di e Architecto Hoevertsz Archi & Design y e contratista G&S Holding and Construction. E siguiente paso ta aworaki pa cada un di e concesionarionan muebla y decora e espacio cu nan a ricibi segun nan deseo. E plan pa reconstrui e parti unda cu e tiendanan ta situa den aeropuerto ta existi for di aña 2005 ora cu AAA hunto cu Schiphol a prepara un plan pa trese cambio na nos aeropuerto. E trabounan de reconstruccion di e area di concesion a inicia na april di e aña aki mes y durante e 5 lunanan cu ta tras di lomba a wordo traha duro pa asina por keda cla cu e proyecto aki segun e plan original.

E impresión cu un pasahero lo hanja ora cu e ta na e parti paden di aeropuerto, preparando pa sali for di nos isla ta uno masha trankil unda cu ta mas fácil pa haci compras y tira un bista riba tur loke cu e tiendanan den aeropuerto ta ofrece. E concesionarionan aworaki no lo ta den un “tienda” tradicional mas, sino e espacio pa cada un di e concesionarionan ta uno mas habri pa asina e pasaheronan por drenta y sali sin mester pasa door di un porta. Pa loke ta cuminda y bebida, esaki tambe a conose cambio, mirando cu aeropuerto pronto lo conose un “food court” cu ta ofrece diferente tipo di cuminda y bebida na e pasahero. Ademas di e parti di e concesionarionan, mester agrega cu e parti interior di nos Aeropuerto Internacional Reina Beatrix aworaki ta decora cu adorno y colornan moderno cu alabes ta refleha e parti Caribense di Aruba.

E area di concesion ta plania pa keda completamente cla, cu tur e tiendanan completamente muebla y decora dia 15 di november venidero. Ya caba esnan cu a biaha e siman aki por a nota e diferencia enorme cu tin de aeropuerto actualmente. Esaki ta djis un parti chikito di e cambio cu full e area di concesion lo conoce.





# ATHA cu su actividad di Carchi di Pasco

**ASOCIACION** Trabao di Hubentud na Aruba (ATHA) a cuminsa nan accion de Carchi di Pasco cu entrega dia 27 september 2007 di e promer envelopnan na Su Excelencia sr Fredis Refunjol, gobernador

di Aruba.

Dos alumno di Colegio San Hose di Santa Cruz esta Reinaldo Dirksen y Sharlene Dubero, acompaña pa nan docente sra Dayenne Croes, tabata hunto cu sr Tito Sapuana (presidente di

ATHA) y sr Ricky Hoek (director di ATHA) di bishita cerca sr gobernador pa e ocasion aki. E aña aki tin 4 pintura di alumnonan di Fundacion Educativo Comunitario Aruba; Kevin Rooi, Francine Figaroa, Kim Lue y Darney Kock cu ta trata e temporada di Pasco y Aña Nobo. Y 3 pintura di sra Wikke Bollen cu tin como tema e fauna di Aruba.

Cu cooperacion di Federatie Antilliaanse Jeugdzorg (FAJ) ATHA ta bende un potchi "Voor het Kind".

E potchi aki a wordo traha na Curaçao y ta representa e muchanan di Antiyas y Aruba.

ATHA lo acerca e comercio tambe via email y fax pa nan coopera cu e accion aki.




Esaki ta e unico actividad di ATHA pa recauda fondo asina ATHA por traha ariba nan proyectonan pa muchanan y hubentud na Aruba.

Un cantidad di 50 scol na Aruba a haya e acostumbrado envelop pa e muchanan pasa den nan comunidad pa bende e carchinan y potchi.

ATHA ta conta atrobe ariba diferente boluntario cu ta yuda prepara e Carchi y potchinan durante un periodo di dos siman.

Un apelacion ta bai na e pueblo di Aruba pa coopera cu ATHA y cumpra e carchinan of e potchi.



## Aruba Demolay Chapter No. 1 a bolbe inicia miembro nobo

**DIASABRA** dia 22 di September, Aruba Demolay Chapter No. 1 a crece atrobe cu un total di 7 miembro nobo.

Tabata un ocasion masha impresionante ora e grupo di oficialnan di Aruba Demolay a inicia 7 joven dinamico den nan

chapter. E pariente y amigonan a goza con e Master Councillor Joshua Kock a presenta su parti di ceremonia completamente di

memoria, cu sentimento y serenidad. Tambe e otro oficialnan a hasi un trabow sublime pa asina e miembro nan nobo por a haya un tiki di e seriedad y di e responsabilidad cu nan a asumi ora nan bira un DeMolay.

un organizacion internacional, pa joven nan entre 12 & 21 aña di edad, kende nan ta kere den un Ser Supremo y cu ta desea di sirbi nan comunidad y di bira lider nan den futuro.



Adjunto un foto di e 7 miembronan cu a wordo inicia ultimamente. Cu esakinan Aruba Demolay Chapter a inicia un total di 18 miembro te cu awor den e aña aki. Nos ta desea nan tur hopi exito y cu nan lo goza hopi, pasa bon y logra hopi den nan grupo.

Manera ta conoci, DeMolay ta

Aruba DeMolay a wordo estableci na Juni 2000 y ta wordo reconoci internacionalmente pa ta un capitulo sobresaliente.

Esnan interesa pa sa mas por contact cualkier miembro of consehero ( tel.582-6007; 5845256; 588-3789) of por haya mas informacion riba [www.demolay.org](http://www.demolay.org)

## Encuesta di Satisfaccion di Cliente 2007

**DEPARTAMENTO** di Asunto Social (DAS) ta bai desaroya un programa pa mehora su servicio y asina aumenta e satisfaccion bao di su clientenan. Den cuadro di esaki DAS ta organisa un encuesta pa su clientenan durante henter e luna di october. E encuesta aki ta wordo haci dor di Management Improvement Technologies bou

di giua di sr drs. Mario E. Croes y sra.drs. Caroll Kock di DAS. Departamento di Asunto Social ta orguyoso di por crea e oportunidad pa su clientenan por duna nan opinion riba e funcionamiento di DAS.

E encuesta lo ta den forma di un formulario cu preguntan cu e cliente mes por

yena riba diferente aspectonan di e trabou. E siguiente aspectonan ta bin dilanti: servicio di e funcionario; servicio di e seccion; aspectonan infrastructural di e edificionan; servicio telefonico; satisfaccion general; y sugerencianan di e cliente. Lo enfoca principalmente riba e siguiente aspectonan

di servicio: amabilidad y cordialidad di e funcionario y su conocimiento; e tempo di espera; e tempo disponibel pa e cliente; y tambe e accesibilidad. E encuesta aki por wordo yena tanto dor di clientenan cu ta atende na DAS pa prome biaha den october como tambe pa e clientenan cu ya tin contacto

cu DAS. Di e forma aki DAS por ahusta e servicio mihor na e necesidadnan di e cliente.

Esaki ta un di e pasonan cu ta wordo tuma pa traha segun nos mision pa brinda un servicio optimaliza cu ta basa riba e pregunta y necesidad di e cliente cu ta conduci na solucionan duradero.





## Grupo Kawara ta bisa danki CMB

**DURANTE** celebracion di "Dia di nos grandinan" proclama pa Nacionnan Uni Sra. Mena Lumenier presidente di Grupo Kawara a gradici gerencia di Caribbean Mercantile Bank masha hopi mes, pa e tremendo cooperacion y apoyo di asina hopi aña. Grupo Kawara

a celebra tambe nan di 22 aniversario, pesey ayera tabata un dia hopi festivo pa nan y nan miembronan. Nan ricibi for di man di Sr. Javier Wolter un otro donacion pa asina nan por sigui haci nan bon trabao cu nos grandinan den nos comunidad. Actualmente nan tin 80 persona den nan grupo y nan actividadnan ta consisti di tur diamars na Club Caiquetio. Nan ta topa otro pa encuentronan social manera; hersen gymnastiek, weganan di mesa, lectura y tambe tin biaha nan sa sali keiro rond di nos isla. Ayera mainta nan a celebra nan aniversario den nan propio seno den Club Caiquetio cu musica di Caha di Orgel di Chandi Donata y Robert Thiel.



## Bo tabata sa?

**Bo kier pidi algo for di internet y mester un adres na Merca?  
Bo no tin credit card?**

**"Your Connexion" ta haci'e posibel p'abo! Bira miembro y Your Connexion ta bo adres personal na Merca y bo por ricibi tur bo pedidonan facil, liher y di e manera mas economico na Aruba.**

# Your Connexion

**Bishita nos pagina di internet na  
[www.your-connexion.com](http://www.your-connexion.com)  
pa mas informacion of yama nos  
na Merca: (786) 281-2408  
na Aruba: 749-7669/Margrietstraat 3**

**\*\*Si bo no tin credit card, manda nos un email na  
[orders@your-connexion.com](mailto:orders@your-connexion.com) cu bo datonan personal**

**JOIN  
US**

**Solamente  
\$35.00  
pa aña**

**AWEMainta**  
e corpa di 'toko

Nos e-mail:  
[noticia@awemainta.com](mailto:noticia@awemainta.com)

**Tel: 583-1400**

**Fax: 583-1444**



# Policial

## Ladronnan ta sigui horta articulonan di koper

**DIRECTOR** di BOPEL, dialuna mainta a bai Warda di Polis na Santa Cruz, pa duna keho di ladronsia. E ta bisa polis cu ladronnan a drenta den e lugar y a bai cu un rol di waya di koper di mas o menos 4000 florin.

Polis ta sigui cu e investigacion. Ultimo tempo ta hopi articulo di koper ta wordo horta, tanto waya como tubo di awa.

## Ladronnan ta sigui ta activo y ta drenta take-away

**LADRONNAN** ta drumi manera caiman na boca di riu pa mira unda nan por causa destruccion y horta locual nan tin mester. Esaki ta locual e homber C.W. v.d. H, naci na Hulanda di 40 aña, a topa cune dialuna mainta, ora cu el a yega na su negoshi, un take-away den Schotlandstraat, y a haya e vitrina di su negoshi kibra.

Esaki nan a comete cu un bloki. Nan a bai cu algun articulo, cu e doño, n'e momento ei, no por a duna.

## Problema entre Haitiano pa cuenta di payslip


**DOS** Haitiano, dialuna anochi tabatin problema cu otro, debi cu un tal Alectis, tabatin e payslip di e homber C.J. di 38 aña.

Nan dos tabatin un discusion cu a termina den un bon pelea. Tur dos a dal otro cu palo y cu hero.

Segun C.J. a bisa polis cu despues di e bringamento, e problema a termina como cu tur dos a haya golpi. Pero Alec-tis si a bisa polis cu p'e e cos no a caba. Mientras cu polis ta papia cu C.J. pa atende e asunto, Alec-tis a coi un machete y ta bisa C.J. cu e ta bai kap'e cune.

Ningun no kier entrega keho contra otro. C.J. a bisa polis cu el a pone nan na altura, pa cualkier cos cu pasa, si Alectis

dicidi di kap e cu machete. no ta duna keho, como cu e mes Mientras cu Alectis a bisa cu e ta bai regla e asunto.




### AD PATRES

funeral home

van Rensselaerstraat 2 Tel.: (294) 584-2299  
San Nicolas - Aruba 584-8413  
E-mail: adpatres@setarnet.aw Fax: (297) 584-2266

**“Mi tin Dios pa wardador  
pues mi’n tin falta di nada” Psalmo 23.1**

Cu honda pena pero conforme cu e boluntad di Dios nos ta anuncia e fayecimento di:



**Angel Hendrik Calmes**  
Mihor conoci como: “Galan”  
Naci: 02-08-1932 Muri: 01-10-2007

**Na number di si yui:**  
Rutmila Calmes na Hulanda

**Rumannan:**  
Norma Tromp y Esposo i yui  
Petra Santiago y yuinan  
Irma Kock i yuinan  
Prista Windster y esposo  
Margarita Ignacio  
Greta Laurens  
Delia, Sharombo, Rey  
y sobra rumannan

Sobrino y sobrinanan, cuñanan, amigo, bisniñan y demas famianan

Demas famia i conocirnan na Aruba, Boneiro y Korsou, rumannan di Igl. Adventista.

**Ta invita tur amigo, bisniña y conocirnan pa asisti na e acto di entierro**  
**cual ta tuma lugar Diahuebs 4 di Oktober pa 3’or di atardi na Iglesia**  
**Adventista den Bernhardstraat na San Nicolas y despues saliendo pa santana**

Central na Sabana Basora.  
For di 2’or di atardi e restonan mortal lo ta reposa den Iglesia Adventista den Bernhardstraat.

## Conoci di polis Rompy cu problema cu su amiga

**POLIS** ta bai dialuna anochi den careda di 9.30, pa un asistancia na un cas na Sabana Basora, unda e conocido di polis, Rompy Brown, tabatin problema cu e muher P., y a maltrate cu mokete riba su lomba. E muher P. ta bisa polis cu e tambe a corta Rompy cu un cuchiu. Ningun no kier duna keho contra otro.

## Biento di turbulento ta benta drum riba auto

**DIALUNA** merdia, e homber E.T. naci na Aruba di 30 aña, coriendo riba e caminda cu ta bai for di Bubali pa Palm Beach, ta bisa polis cu na haltura di un restaurant, un biento turbulento a hisa un drum y a bente riba su auto.

Esaki el a declara dialuna merdia na Warda di Polis na Noord. Polis a controla e auto, y enberdad a mira cu auto tabatin un machica y tambe algun rasca n’e porta banda drechi.



### Mementomori Funeral Home N.V.

**Yolanda - Leo - Eugene**  
**Tel: 5833358 - Fax: 5837711**

“Wait on the Lord: be of courage,  
And He will strengthen thine heart:  
Wait, I say, on the Lord.”

With immense sorrow and pain in our heart, but according to God’s will, we announce the death of our beloved father, grandfather and great grandfather:

**George Lemuel Handel**  
**Leslie**  
**better known as “Daddy”**

who passed away on September 26th 2007 at the age of 94, widower of the late Mrs. Myrille Agnes Leslie-Collymore and ex-employee of Bouw Maatschappij Aruba



**Left to mourn his lost are his children:**

Muriel and Wilfred Yearwood and family in England  
Jean and Neville Pemberton and family in Canada  
Shirley Boyce in Loving Memory  
Philmore Leslie and family in Canada  
Gray Leslie and family in Canada  
Wilkinson Leslie in Loving Memory  
George Leslie in Loving Memory  
Franklyn and Yolanda Leslie and family in Aruba  
Lloyd and Teresa Leslie and family in Aruba  
Joan and Henk Blom and family in Holland  
Agnes Leslie in Aruba  
Marva Leslie in Loving Memory  
David and Stella Leslie in Aruba

His grandchildren and great grandchildren in Aruba, Canada, Barbados, England, Holland and U.S.A.

Loved as family: Velda Yearwood and Betty Goeloe

His nieces and nephews in Barbados, England and U.S.A.

Other relatives Leslie, Collymore, Yearwood, Pemberton, Boyce, Morsen, Blom, Dieffenthaler, Croes, van Doremalen, Knight, Yeoman, friends, neighbours and acquaintances.

The funeral will take place on Saturday October 6th, 2007.  
The body of the late Mr. George Lemuel Handel Leslie will be laid out at Pos Chiquito 3, from 2.00 p.m. where the funeral service will be held.  
Hereafter Daddy will be laid to rest in the Government Cemetery in the Caya Ernesto Petronia in Oranjestad.

Condolence address: Mementomori Funeral Home, Arendstraat # 105 on Tuesday October 2nd & Wednesday October 3rd from 7:00 – 9:00 p.m.

We regret that after the funeral we are not able to receive any condolences at home.



# Apertura di Cruise Terminal nobo dia 2 di October 2007

**TIN** un tendencia nobo den e mundo crucero, caminda cu e desaroyo di un Puerto y su terminalnan ta hunga un rol importante pa probecha di e beneficienan di e industria. Nos ta mira cu por ehempel lugarnan unda antes no tabata tin ni un waf pa boto chikito mara, tin construccionnan di puertonan completo ta tuma lugar, completamente dedica na e industria crucero. Es mas, e puertonan aki ta crece den tempo rapido y ta bira puertonan mas bishita na mundo.

Ta pesey tambe cu e destinacionnan tradicional den Caribe, mester percursa pa sigui e trend di desaroyo den nan Puerto. E desaroyonan aki tambe ta necesario, mirando cu e bapornan ta bira mas grandi, cu ta pone cu den cada seccion di e Mercado, e bapornan ta wordo remplaza cu un mas grandi. Falta di desaroyo den un Puerto, y falta di eleva e nivel di infraestructura, ta pone cu no por probecha di e posibilidadnan nobo cu ta habri cu e trend nobo den e industria.

Motibonan suficiente, pa Aruba tambe dicidi di adapta, cambia y bin cu desaroyonan nobo, pa fiha su posicion den e mundo crucero. Nos ta corda bon ainda, con nos a perde un seccion hopi importante di e industria cu nos a custuma pa basta aña. Nos a wordo confronta cu e decision, pa acepta e reto di drenta den desaroyonan nobo, pa sigura continuacion di e industria pa Aruba.

Nos a dicidi di renoba y desaroya un Terminal, completamente ekipa, cu tur servicio necesario pa e pasaheronan, caminda hasta nos tin lugar awor pa un kamber di prome auxilio. Nos a cambia e concepto di e tiendanan den e terminal, y ta sumamente contento pa mira cu mayoria di e propietarioonan, cu semper a demostra nan amor pa e industria aki, a bolbe cu nan tiendanan, den un formato nobo.


Pero nos a dicidi di haci mas tambe: APA a dicidi di desaroya e waf di Oranjestad completo, como un area dedica na e mundo crucero. Manera ta conoci, nos lo muda e terminal di carga pa Barcadera, pa asina desaroya e waf di Oranjestad den e concepto nobo cu ta e trend den e industria crucero. Den esaki, APA ta

tuma un paso grandi pa sigura futuro di e industria pa Aruba. Fihando nos bista ariba e beneficienan pa nos economia local, nos kier sigura cu e facilidadnan lo bin cu ta necesario pa promove turismo crucero, pa asina e potencial di e sector wordo utiliza mas ainda.

E apertura di e Terminal Prin-

cipal Nobo aki di e cruceronan, ta un simbolo di e comienzo di un era nobo den cua e mundo

ta desaroya, y di cua nos na APA kier ta pioneronan den e era nobo.




**AD PATRES**  
funeral home

van Rensselaerstraat 2      Tel.: (294) 584-2299  
San Nicolas - Aruba      584-8413  
E-mail: adpatres@setarnet.aw      Fax: (297) 584-2266

“The Lord is my shepherd  
I shall not want” Psalm 23.1

With deep sympathy we announce the passing away of:



**Vanita E. Warner-Woods**  
\* July 24, 1915 + Sept. 30, 2007

**Left to mourn her:**

**Daughters:** Mildred Graaf & Family  
Yvonne Royer & family in Sint Maarten

**Sons:** Hubert Hassell in Sint Maarten  
Antonio Warner in Aruba

**Step-Daughter:** Zelma Flemming-Woods in Curacao

**Sons in Law:** Stanley Graaf Sr.  
Johnny Royer in Sint Maarten  
Beatrice Woods in Curacao

**Sister:** Coralie Godet-Warner & family in Aruba

**Sisters in law:** Marie Coombs & family in Holland

**Brother in Law:** Theophelie Warner & family in Curacao

**Grandchildren:** 16

**Greatgrandchildren:** 7

**Special Caretaker:** Antonio Warner  
Florence Warner-Woods

**Close friends:** Tencie Rodgers & family  
Silvia Carty & family  
Gloria Heyliger & family  
BooBoo & family  
Viola laveist & family


**Godchildren:** Isaac Hassell  
Ena Catalina

Nieces & nephews too numerous to mention  
Related to following families: Woods, Graaf, Royer, Warner, Godet, Hassell,  
Otterspeer, Mavis Graanovijst-Woods, Lorna Wanga, Sandra & Tony Best-Havertong,  
Evette & Sony Tross Coombs & family

We are sorry if any relatives have been forgotten to be mentioned in our sorrow.

**The funeral will take place on Thursday October 4 at 3.30 pm in the**  
**Christ Methodist church in San Nicolas and from there to the Government cemetery in San Nicolas.**  
The body of the late “Vanita” will be laid out at 2 pm in the Christ Methodist church.


We regret that after the funeral we can't accept condolences at home.



**Mementomori Funeral Home N.V.**  
Yolanda - Leo - Eugene  
Tel: 5833358 - Fax: 5837711

“Laga tur locual ta sperami ta bunita,  
Laga cu tur locual cu mi encontra na caminda ta bunita,  
Laga tur locual cu ta rondonami ta bunita,  
Laga tur locual cu mi ta laga atras keda bunita,  
y laga esakinan termina den tur bunitesa.”

Cu inmenso tristesa na nos curason,  
nos ta anuncia fayecimento cristianamente  
na Corsou di:



**Thierry Felician**  
\*18 september 1985 †30 september 2007

**Na number di su:**

**Tata:** Tito Felician  
**Mama:** Mary Felician-Boekhoudt  
**Rumannan:** Marylin y T.J. Felician  
**Nana:** Fernande Merveille y famia  
**Welo y wela:** Chonai y Mona Felician  
**Omo y tantanan:** Roy y Editha Felician y famia  
Helen Felician y jiu  
Nelson y Carmen Felician y famia  
Grace y Enty Giel y famia  
Deca Rozenberg y jiu  
Mando y Miriam Felician y famia  
Rita y Doys Quandus y famia  
Chila y Remigio Jacobs y famia  
Mando Boekhoudt y famia  
Jolanda y Edwin Croes y famia  
Dolf y Livia Boekhoudt y famia  
Chito y Tica Boekhoudt y jiu  
Joaquin y Eveline Boekhoudt y jiu  
Pito y Martina Boekhoudt y jiu  
Lucia y Robert Feliciano y jiu  
Madrina y padrino  
Primo y primanan  
Bisinja y conocirnan  
Ayudante y amigonan special di  
Monsieur Verriet Instituut na Corsou

**Demas famia:** Felician, Boekhoudt, Ras, Odor, Henriquez, Geerman, Giel, Rozenberg, Farro, de Cuba, Quandus, Jacobs, Croes, Tromp, Everon, Figaroa y Feliciano na Aruba y famia de Ron, Sirvania y Angela na Corsou.

Ta invita tur famia, amigo, bisinja, conocirnan y tambe tur cu a juda Thierry di un forma of otro na Aruba y Corsou pa asisti na acto di entierro cual lo tuma lugar diabierna 5 di oktober 2007 pa 10:30 di mainta saliendo for di misa Santa Filomena pa Santana Catolico na Paradera.

E restonan mortal di Thierry lo ta reposa for di 8:30 di mainta den misa Santa Filomena na Paradera.

Na lugar di flor of krans un donacion pa Mons. Verriet Instituut lo ta altamente aprecia. Lo tin un box disponibel den misa pa e bon gesto aki.

**Adres pa condolencia:** Piedra Plat 35  
diaranson 3 y diahuebs 4 di oktober 2007 di 7'or pa 9'or di anochi.

Nos ta lamenta cu despues di entierro nos no por ricibi bishita di condolencia na cas.





## Animal Rights Aruba

### EMERGENCY PHONE NUMBERS

Veterinary Services: 585 0400 **Pick up of injured animals or animals to be euthanized**

Contreras Veterinary: 587 0917, 587 4467, 993 0404

Wayaca Clinic: 582 1720

Weekend emergency: 911 **Advise which doctor on call**

Animal Shelter: 582 1623 **Last resort**

Serlimar: 584 5080, 584 6152, 584 6456 **Pick up dead animals**

## We save, we care, we educate!



## B&P/ INTERFACE ARUBA N.V.

TRAINING AND CONSULTANCY

We are pleased to announce our training schedule for the month of September and October 2007. We can also provide these trainings as, customized In-Company training.

- **Minute Taking (Notulieren)** (Starting September 24)
- **Leadership** (Starting October 1)
- **Professional Telephone Behavior** (Starting October 4)
- **Labor Law in Practice on Aruba** (Starting October 4)
- **Public Speaking** (Starting October 15)
- **Customer Service & Handling Complaints** (Starting October 16)
- **Creative Problem Solving** (Starting October 22)

For additional information and registration please contact us at  
 Telephone 594-5533 / 587-7850 or Fax number 587-6011.  
 Email: [bpinterfaceaua@setarnet.aw](mailto:bpinterfaceaua@setarnet.aw) Web Site: [www.bpinterface.com](http://www.bpinterface.com)

**UPGRADING PEOPLE IS OUR BUSINESS !**



## TA BUSCA

### IJZERVLECHTER

pa mas informacion llama  
 VAN KESSEL  
 HAVENBOUW N.V.  
 entre 9.00 - 12.00  
 y 13.00 - 16.00,  
 Tel 5852145

## TA BUSCA

### SCHILDER

pa mas informacion llama  
 VAN KESSEL  
 HAVENBOUW N.V.  
 entre 9.00 - 12.00  
 y 13.00 - 16.00,  
 Tel 5852145

## TA BUSCA

### ARBEIDER

pa mas informacion llama  
 VAN KESSEL  
 HAVENBOUW N.V.  
 entre 9.00 - 12.00  
 y 13.00 - 16.00,  
 Tel 5852145

## TA BUSCA

### HELPER

pa mas informacion llama  
 VAN KESSEL  
 HAVENBOUW N.V.  
 entre 9.00 - 12.00  
 y 13.00 - 16.00,  
 Tel 5852145

## TA BUSCA

### TIMMERMAN

pa mas informacion llama  
 VAN KESSEL  
 HAVENBOUW N.V.  
 entre 9.00 - 12.00  
 y 13.00 - 16.00,  
 Tel 5852145

## TA BUSCA

### METSELAAR

pa mas informacion llama  
 VAN KESSEL  
 HAVENBOUW N.V.  
 entre 9.00 - 12.00  
 y 13.00 - 16.00,  
 Tel 5852145

## Servicio pa Comunidad

### Telefon di Emergencia

Number di emergencia 911  
 Polis 100  
 Brandweer 582-1108  
 Ambulance O'stad 582-1234  
 Ambulance S.N. 584-5050  
 Hospital 587-4300  
 Centro Medico 584- 8833

### Botica na Warda

Pabou di Brug: Botica Arco Iris  
 Pariba di Brug: Seroe Preto

### Dokter na Warda

Pabou di Brug: Dr. Heinze  
 Pariba di Brug: Dr.

### Otro Servicionan

Setar Info 118  
 Digicel Info 145  
 Setar 582-5151  
 Elmar 582-3700  
 WEB 525-4600  
 Serlimar 584-6456  
 Rode Kruis Aruba 582-2219  
 FADA 583-2999  
 AA/NA helpline 583-8989  
 Fund. Abuso Sexual 582-4433  
 Fundacion Guia'mi 587-1677  
 Fund. Muher den Dificultad 583-5400  
 Fund. Tel. Pa Hubentud 131  
 588-6138  
 Accion Rescate 584-2718  
 Centro Kibrahacha 588-3131

## Resultado di Loteria

LOTTO CATOCHI

**3781**

**3197**

**4436**

ZODIAC

**2031 Libra**

BIG FOUR

**4185**

SUPER FOUR

**3650**

DIARIO

**5103**

**1636**

**4107**

LOTTO DI DIA **06-16-18-24-30**

CORSOW

**4975**

**5584**

**7420**



## su | do | ku

© Puzzles by Pappocom

**Instruccionnan di wega** Completa e tabel (cu 9 cuadra) di 81 hoki dividi den 9 rij y 9 colom, yenando e hokinan bashi cu e numerbnan di 1 te 9, sin ripiti ningun cifra den cada rij, ni den cada colom, ni den cada cuadra.

		2		8	7			9
	6	4						5
		8	6	9			1	
							4	8
	9		1		4		2	
2	4							
	8			7	1	2		
1						3	8	
3			5	2		1		

EASY

# 1

		9		5	8			
		5					4	
3			2				1	9
				3	6	9		
9		2				8		3
		4	9	8				
5	9				3			1
	1					2		
			1	4		6		

MEDIUM

# 2

# 1	5	1	2	4	8	7	6	3	9
	9	6	4	2	1	3	8	7	5
	7	3	8	6	9	5	4	1	2
	6	5	1	7	3	2	9	4	8
	8	9	7	1	6	4	5	2	3
	2	4	3	8	5	9	7	6	1
	4	8	9	3	7	1	2	5	6
	1	2	5	9	4	6	3	8	7
	3	7	6	5	2	8	1	9	4

# 2	1	7	9	4	5	8	3	6	2
	6	2	5	3	9	1	7	4	8
	3	4	8	2	6	7	5	1	9
	8	5	1	7	3	6	9	2	4
	9	6	2	5	1	4	8	7	3
	7	3	4	9	8	2	1	5	6
	5	9	7	6	2	3	4	8	1
	4	1	6	8	7	9	2	3	5
	2	8	3	1	4	5	6	9	7

### Polis

Polis Tipline 11141  
 Oranjestad. 582-4000  
 San Nicolas 584-5000  
 Savaneta 584-7000  
 Santa Cruz 585-4710  
 Noord 587-0009  
 Strandpolitie 586-3003  
 Balashi 585-2500  
 Aeropuerto 582-4800  
 Aruba Transfer Tour & Taxi  
 583-2856  
 582-2116  
 Best Taxi Services 588-3232  
 Coop. Ver. Tas 587-5900  
 ATS 583-5361  
 Arugas 585-1198  
 S.O.S. Teleayudo 583-1190

**EDITA PA:** The Media Group,  
 Margrietsstraat 3, Oranjestad, Aruba, tel.  
 (297) 583-1400, fax. (297) 5831444,  
**E-mail:** [mediagroup@setarnet.aw](mailto:mediagroup@setarnet.aw).

**CUENTA DI BANCO:** C.M.B. #229-  
 82600. **BENTA LOS** Afl 1,50

**ABONEMENT** Afl.35,00 pa luna.

**ORA DI OFICINA:** Dialuna pa Diabierna  
 8 a.m. - 5 p.m.

**IMPRENTA:** Imprenta Nacional Arubano.  
**DIRECTOR:** Victor "Toko" Winklaar &  
 Victor R Winklaar.  
**REDACCION:** [noticia@awemainta.com](mailto:noticia@awemainta.com).  
**BENTA DI AVISO:**  
[sales@awemainta.com](mailto:sales@awemainta.com)



# FOCUS RIBA FAMIA

## Djis manera nan ta

Tin biaha te hasta e mihor mayornan tin problema pa acepta nan yiunan djis manera nan ta. Por ehempel, mayornan di un mucha cu ta hopi timido, hopi biaha ta puntrami con nan por yuda e yiu sali di e timidez ey. Na cas por ta e ta haci declaracionnan profundo; por ta e ta comparti su observacionnan di bida y di e caracter di universo, por ta te hasta e ta conta e storianan di mas chistoso. Pero den publico ta como si fuera su lenga ta pega na cada banda den su boca, y su cabez ta baha como si fuera e ta pega na su pecho. Di con e mucha ta asina timido dilanti strañonan? Por ta ta pasobra e'la worde herida of rechasa den pasado. Pero mas probabel ta cu e'la nace asina. Ningun sorto di estimulo of pushamento pa parti di e mayornan lo pon'e cambia bira sociabel, extravagante of sigur di su mes. Su timidez ta djis un funcion di e temperamento cu e'la nace cune. Mi conseho na mayornan di un mucha asina ta: Stop di purba haci'e algo cu e no por ta. Bai cu e coriente y djis acept'e manera e ta. Djei busca e calidadnan special cu ta duna e mucha individualidad y potencial. Nutri'e. Cultiv'e. Y dune tempo pa forma su mes como un personalidad unico manera niun otro hende na mundo. Abo, como mayor, lo ta menos frustra cu e aceptacion aki y, keremi, bo yiu tambe lo ta.

### PANADERIA DEL PUEBLO



Guyabastraat 4, Dakota Tel: 582 4748

**Labco**

**MEDICAL / HOME HEALTHCARE**  
 RENTAL/SALE of Medical & Home-Healthcare

24 Hours Services!

- \* Wheelchaires
- \* Beds
- \* Walkers
- \* Bathchair
- \* Commodes
- \* Crutches / Canes

\* Oxygen Concentrators/Cylinders  
**Difficulty Walking**  
**Rent a portable electro scooter**  
*(Fits in all cars, trucks, 41lbs).*

**Tel: 582-6651 Fergusonstraat #52, Dakota**

**D-Yvonne**

Beauty Salon & Hair Center  
 Fergusonstraat 52  
 Tel: 583-7156

**Peluca aki Hairpiece aya!!**  
 Pero e unico lugar cu experiencia, calidad, servicio y bon prijs ta

**D-Yvonne**  
 Beauty Salon

*Luci semper bunita haciendo un cambio total ariba bo apariencia. E mihor den: Permanent, Make-Up, Hairweaving, Braiding, Hairstyling, Acrylic, Gel Nails, Ponytail.*

*Pa tur bo tratamiento di Belleza D'Yvonne*

**BO CONECCION CU MERCA**  
 SHOP ONLINE: [www.arusamailbox.com](http://www.arusamailbox.com)

Bo a mira algo riba television, website of catalog y bo no sa con pa cumpre or order e producto? Nos ta bo solucion

Pa mas informacion yama

**583-2459 of 583-0631**

**BULA JUMP**  
**PA TUR FIESTA**  
**PA MUCHA**  
**YAMA**  
 5923523 / 5838769

## TIPO DI CAMBIO OFICIAL

### Valido pa Oktober 3 2007

Placa Extranhero	Bank Papieren	Wisselen, Cheque Reis Cheque en Over Boeking	Benta na Publico
US Dollar	1.77	1.78	1.80
CAN Dollar	1.77	1.79	1.81
Engelse Pond Sterling	3.57	3.62	3.68
Zwitserse Frank per CHF. 100	152.32	153.04	153.84
Ned.Ant. Gulden per ANG. 100	98.00	100.00 biljetten chq./overboeking	100.20 100.00
Japanse yen per JPY. 10.000	152.46	153.85	155.39
Euro per XEU. 100	251.19	253.48	256.03



Provision di Devisa 1.3%  
 Segun articulo 12 di Afkondigingsblad di Aruba 1991 nr.GT 32.  
 Banco Central di Aruba ta defini e tipo di cambio oficial pa e cambionan di placa extranhero.

**BANCO DI CARIBE**  
*Nos ta honra Bo confianza*

## Horoschoop

**Aries** 21 Mrt - 20 Apr  
 Un hende ta fadabo awe, bo pasenshi ta caba simplemente pasobra bo mester sali for di e sistema.

**Tauro** 21 Apr - 20 Mei  
 Planonan of contractnan firma awe tin exito sigur, planetanan ta di bo banda. Sigura di pidi garantianan of referencianan.

**Geminis** 21 Mei - 20 Jun  
 Ta bin un oportunidad excelente, pero bo mester samine y reconoce su potencial, no lague scapa for di bo dedenan.

**Cancer** 21 Jun - 20 Jul  
 Suerte ta di bo banda den transaccionnan financiero, contractnan importante of areglonan. Saca mas tanto ventaha y balora e oportunidadnan cu ta bin bo dilanti.

**Leo** 21 Jul - 20 Aug  
 Suerte ta bai for di bo man, mihor tin bo cabez abao. Especialmente, no duna confianza na un hende straño cu ta ofrecebo asistencia den un asunto di finanzas.

**Virgo** 21 Aug - 20 Sep  
 A pesar di bo energia abao, bo ta haci un esfuerzo pa asuni e tarea pa admiracion y dorpresa di esnan cu ta rondonabo.

**Libra** 21 Sep - 20 Okt  
 Un oferta interesante y beneficoso lo presenta y bo mester acepte, e tin e posibilidad di un exito financiero mas laat den aña.

**Scorpio** 21 Okt - 20 Nov  
 Un hende ta bentando afor e plannan financiero a largo plazo, bo mester restringi bo mes.

**Sagitario** 21 Nov - 20 Dec  
 Un comemento den compania di coleganan of conocirnan ocasional ta e oportunidad ideal pa cuminsa relacionnan di trabao nobo y logra contactonan pa futuro.

**Capricornio** 21 Dec - 20 Jan  
 Un hende ta haci un comentario inhusto riba bo desempeño, y bo tin e tendencia pa rabia.

**Aquarius** 21 Jan - 20 Feb  
 Energia ta fuerte y placa ta yega den bo caminda. Sin embargo, tene cuidao di ofertanan tentador haci pa hendenan cu mal intencion.

**Piscis** 21 Feb - 20 Mar  
 Tin biaha ta mihor pa confia den bo intuicion, awe laga bo instintonan prevalece riba bo sentido comun.

**Animal Rights Aruba**  
**EMERGENCY PHONE NUMBERS**  
 Veterinary Services: 585 0400 **Pick up of injured animals or animals to be euthanized**

Contreras Veterinary: 587 0917, 587 4467, 993 0404  
 Wayaca Clinic: 582 1720  
 Weekend emergency: 911 **Advise which doctor on call**  
 Animal Shelter: 582 1623 **Last resort**  
 Serlimar: 584 5080, 584 6152, 584 6456 **Pick up dead animals**  
**We save, we care, we educate!**



## E Potret di Dia

noticia@awemainta.com



Dubai, EMIRATO ARABE UNI: Jockeynan Emirato y na kameel ta warda na e stadion di Nad al-Sheba na Dubai dia 2 di Oktober 2007, pa e siguiente careda.

## Nos Mundo Loco

### E avion cu nunca ta lanta vuelo

Un negoshante Indio ta dunando hende cu no por afford pa bula e oportunidad di esperiencia esaki pa solamente \$4.

Bahadur Chand Gupta tin un Airbus 300 na Delhi cu no ta lanta vuelo.

E pasaheronan ta paga pa e experiencia di sinta den un avion, scucha anuncionan y wordo sirbi pa e stewardestan.

E avion tin solamente un hala, e no tin luz pafor y e bañonan no ta traha. E aire acondiciona ta traha via di un generator.

Pero mas o menso 40 pasahero tey tur diasabra ta warda den linea pa por ricibi un carchi pa aborda.

Den un pais unda 99% di e poblacion nunca a experiencia un vuelo real, e vuelonan virtual aki a prueba di ta un exito rotundo.

Clinetenan ta mara nan faha di seguridad, y ta mira un demostrashon di seguridad. Pero ora nan mira pafor di e bentana, e paisahe nunca ta cambia.

Captain Gupta su mensahenan regular ta inclui: "Pronto nos lo pasa den un zona di turbulencia", y "Nos lo cuminsa nos descenso pa Delhi."

"Algun di mi pasaheronan a viaha for di masha leeuw pa por subi den e avion aki," asina sr. Gupta a bisa, kende a cumpra e avion na 2003 for di un compania di seguro.

E vuelo aki ta un experiencia casi igual na esun real cu e unico diferencia di no tin di warda 3 ora promer di por aborda e avion, y no tin di pasa diferente punto di seguridad manera ta e caso na un aeropuerto internacional. Y e otro diferencia ta cu e prijs di un ticket no ta dje caro manera uno real.

# Jonella Oduber in Japan!



NOS promer representante di e certamen Miss Aruba 2007 cu lo ta riba plataforma internacional ta Jonella Oduber. Actualmente Jonella ta na Tokyo, Japon preparando pa su actividadnan diario.

Na yegada na Narita Airport, Jonella a ser encontra pa e personal di e organisacion di Miss International 2007. Hunto cu Jonella nos por aprecia e representante di Surinam, Puerto Rico y Brazil.



# Xpresa bo mes

noticia@awemainta.com

Tur comunicado o remetido cu ser manda pa AWEMainta mester inclui number, fam y number di telefon di e remitente. AWEMainta ta keda cu e derecho reduci of edita esakinan pa publicacion.

## Ainda nos ta na soño!!!

NA juni ultimo mi a scribi den e corant aki cu nos ta na soño pa motibo cu nos no ta cuminsa actua contra e constante aumento di prijs di awa y coriente. Mi a trece padilanti cu e prijs di awa y coriente por ser combati unicamente cu haci e produccion di esaki nan independiente di fuel.

Dos di e forman pa haci esaki ta uso di biento of solo. Na Aruba nos tin tur dos na abundancia. Esun cu ta usa biento ta un tiki menos atractivo. Esun cu ta usa solo t'esun mas atractivo pa nos aki na Aruba. Solo ta briya tur dia pornada. Nos pais ta ideal pa algo asina. Pero esnan cu mester dicidi no tin e vision p'esaki. Prijs di petroleo lo sigui subi y subi. Y cu esaki prijs di awa y coriente.

Despues cu mi a scribi tocante e topico aki na juni e aña aki prijs di awa y coriente a subi tres biaha y cune tambe e "brandstofclausule". Presidente di un pais (productor di petroleo) serca di nos a bisa cu e ta mira e prijs subi na \$ 100,-. Mas peor ainda, tin analistanan economico cu ta bisa cu e prijs lo subi mas cu esei.

Ta na unda nos lo bai cu un subida asina. Pesei mi ta bisa cu nos ta na soño ainda. Ta tempo pa cuminsa bai over na produccion di nos awa y coriente pa medio di solo, esta sistema nan solar.

Naturalmente e pregunta cardinal ta bini padilanti cu ta na unda nos ta haya placa pa un proyecto asina. Wel, shonnan, e ta mas facil cu nos ta kere. Si nos bai over na un sistema di traha coriente cu uso di solo nos no mester di cumpra fuel mas.

E prijs actual di fuel ta \$55 pa bari y e cantidad di fuel cu ta ser usa pa luna pa produci coriente cu ta 220.000 bari.

Esaki kier men cu pa luna nos ta spaar 12.1 miyon dollar (55x220.000). Pa aña esaki ta 145.2 miyon dollar.

Den 5 aña esaki ta 726 miyon dollar. Bisami cu e placa aki nos no por implementa un sistema solar pa produci coriente y awa. Nos por laga un compania grandi evalua y traha un plan con pa implementa un sistema asina na Aruba.

Na California tin hopi compania cu hopi experiencia den e asunto aki. Nan lo por yuda planea con ta introduci e sistema aki y hasta financia e sistema aki cu nos lo por paga facilmente cu tur e placa cu nos ta spaar door di no cumpra fuel mas.

No lubida cu pa aña nos ta spaar 145.2 miyon dollar. Cada 5 aña 726 miyon dollar y cada 10 aña 1452 miyon dollar cu ta equivalente na 1.452 biyon dollar. Placa tin pero nos mester use pa e propositonan necesario. Mi mester menciona cu mi no ta compronde pakico ta sigui insisti riba uso di fuel pa produci energia y awa. Actualmente na Aruba nan ta contruyendo un planta di awa cu ta usa e tecnologia di "reverse osmosis" pero cu ta traha a base di fuel. E tipo di plantanan aki tin hopi na California pero tur ta traha cu coriente cu ta bini di sistemanan solar. Cu otro palabra no ta usa fuel.

Mi pregunta ta, tin hende cu tin interes den e compania cu ta entrega fuel? Pesei no ta bai over na sistemanan cu no ta usa fuel? Ta un pregunta, no? Mi ta kere cu nos compania cu ta produci awa y coriente no tin e minimo interes di baha prijs ni di coriente y ni di awa.

Ora un hende papia bo mester purba analisa kico e kier gaña bo.

Mi no por lubida con e relacionista publico di e empresa cu ta produci awa y coriente a bisa, tempo cu e asunto di molina nan di biento a bin den publicidad. E persona aki tin e pudor di bisa cu e molinanan di biento lo no baha e prijs di coriente tog. Ki un disparate, no?

Tur e spaarmento aki riba menciona tambe ta aplicable p'e molinanan di biento!! E molinanan aki no ta draai a base di fuel sino di biento. Dicon e no ta baha prijs di awa y coriente anto? Gañami algo cu mi por kere.

Ultimamente bo ta tende tur sorto di plan, di politiconan, con lo por baha prijs di awa y coriente. Si bo analisa esakinan bo por compronde cu ta tuma nan ta tuma bo haci. Pero ki otro bo por spera di politico nan.

Tin ta bisa duna e "borgsombek", otro ta bin cu sliding scale y otro kier placa pa bin cu "fondo social". Shonnan tur esaki nan no ta yuda. E "borgsom" ta un suma chikito y tur e otro plannan ta ser alcanza p'e continuo subimento di prijs di petroleo.

No lubida riba e prijs di \$ 100 dollar cu e Presidente pazuid aki a pronostica y e analisis di algun economista internacional cu ta bisa cu e prijs por bira hopi mas halto ainda. E unico solucion ta si nos bira independiente di petroleo pa produci awa y coriente. Gobierno no mester tin miedo cu no ta haya placa, di ganashi, cu introduccion di un sistema solar pasobra esaki ta duna mucho mas ganashi y mas empleo.

Si e actual partidonan politico

no ta dispuesto pa bini cu un cambio den nos forma di produci awa y coriente mi ta kere cu mester di un partido cu tin esaki riba su programa. Esaki mester sosode mas liher posibel. Mi ta pensa p'e proximo eleccion mes.

Ohalá esaki t'e caso paso nos no tin tempo pa perde. Un di e factornan cu prijs di awa y coriente lo baha, cu introduccion di un sistema solar, t'e hecho cu ya no por cobra "brandstofclausule" mas.

Tambe e hecho cu nos no ta bai ta depende di prijs di petroleo mas. Nos lo no mira un cara seco cada biaha na television cu ta bisa nos cu prijs di petroleo a bolbe subi riba mercado internacional y pesei prijs di awa y coriente lo bai subi mescos cu "brandstofclausule". Ki un felicidad, no? No tin "brandstofclausule" mas.

Pa loke ta trata produccion di awa riba su mes esaki ta mas facil ainda. Plantanan di "reverse osmosis" cu ta traha cu coriente ta den full swing na California, p.e. Mi ta usa California como ehempel cada bez pasobra e clima ta identico cu esun di nos.

Mi ta premira cu e concepto di un compania cu ta produci awa y coriente lo no bai existi mas. E concepto lo bira uno di un compania pa produci awa y uno pa produci coriente. Lo ta prudente pa Gobierno pensa bon riba esaki y laga haci un studio con pa implementa e plan aki prome cu otro nan bini cune y nos haya nos mes cu un situacion manera esun di telefon celular den pasado.

Te aki pa e biaha ki, otro biaha lo mi bin cu mas.

Atentamente: Carlos Croes.

## Royal Bank di Canada a cumpra RBTT

**ROYAL** Bank of Canada y RBTT Financial Group a anunciá ayera cu nan a combiná e dos empresarionan bancario mediante compra di RBTT pa 2.2 biyon dollar. Hunta Directiva di RBTT a aprobá e acuerdo unanimente y lo recomendá accionistanan pa vota na favor di e benta.

Despues di e transaccion aki Royal Bank of Canada como doño di RBTT lo tin 130 filial den Caribe cu mas cu 6900 empleado y 1.6 miyon cliente. Sede di e conglomerato nobo lo ta na Trinidad i Tobago. Oficina principal di RBC Caribe lo ta na Port of Spain cu ta un centro den Caribe. Gerencia di e dos banconan lo ser integrá caminda Suresh Sookoo di RBTT y Ross McDonald di RBC lo comparti responsabilidad cu Sookoo como Director General di e negoshi bancario di RBC den Caribe.

Loke no ta ser menciona den e comunicado, si tin cambio den gerencia na Aruba, of Aruba a bira djis un sucursal di Antiyas of mihor dicho di Trinidad. RBTT actualmente tin oficina den casi tur isla di habla Ingles den Caribe, Surinam, Antiyas y na Aruba. Di e forma aki, a pone un fin na tur speculacion cu tabatin, y a keda confirma cu tabatin negociacion, pero cu Royal Bank of Canada, cu manera anuncia awor a bira doño di RBTT.

**AWEMainta**  
e corant di Aruba  
Nos e-mail:  
noticia@awemainta.com  
**Tel: 583-1400**  
**Fax: 583-1444**



# Stephen Maduro a gradua



**DIA** 28 di september sr.Stephen Maduro a gradua na Facultad Huridico di Universidad di Aruba. E'la termina su estudio defendiendo su tesis titula: "Beoordeling of de Douane Bevoegdheden van 1908 nog in onze huidige samenleving passen."

E comision di examen a consisti di e siguiente miembronan: mr.C.L.Milliard, mr.H.P.M. Vink en mr.O.Koolman. Universidad di Aruba ta extende palabra di felicitacion na sr.Maduro pa su logro.





**AWE**  
**Mainta**  
el corant di Togo



**HOTLINE**  
24 ORA DISPONIBLE  
**733-8477**

MA DI ORA, EL MUNDU TA PA